



JU UNIVERZITET U ZENICI

**ODLUKA O IZMJENAMA I DOPUNAMA
S T A T U T A
UNIVERZITETA U ZENICI**

Zenica, maj 2023. godine

Na osnovu člana 12. stav (2) Okvirnog zakona o visokom obrazovanju BiH („Službeni glasnik BiH“ broj 59/07 i 59/09), članova 47. stav (2) i 56. stav (2) tačka a) Zakona o visokom obrazovanju Zeničko-dobojskog kantona ("Službene novine Zeničko-dobojskog kantona", broj: 12/22) i člana 362. stav (1) Statuta Univerziteta u Zenici, Senat Univerziteta u Zenici na svojoj 02. vanrednoj sjednici održanoj 04.05.2023. godine, donio je

**ODLUKU O IZMJENAMA I DOPUNAMA
S T A T U T A
UNIVERZITETA U ZENICI**

Član 1.

(Izmjena i dopuna člana 2.)

- (1) U Statutu Univerziteta u Zenici, broj: 01-02-5-3823/22 od 28.09.2022. godine i broj: 01-02-1-4604/22 od 04.11.2022. godine, u članu 2. (Jezik i pravo na visoko obrazovanje) stav (4) koji glasi „Pristup visokom obrazovanju na Univerzitetu imaju sva lica koja ispunjavaju zakonom propisane uslove.“ briše se.
- (2) U članu 2. stavu (5) iza dijela teksta koji glasi: „osigurava se“ dodaje se dio teksta koji glasi: „svim državljanima BiH kao“ i isti postaje stav (4).

Obrazloženje: Predloženom izmjenom i dopunom člana 2. vrši se preciziranje teksta u cilju prevazilaženja nepotrebnog ponavljanja.

Član 2.

(Izmjena naziva i člana 6.)

U članu 6. (Akademska zajednica i principi rada) mijenja se naziv člana i isti glasi: „(Akademska zajednica i zvanja).

Član 6. koji glasi: „(Akademska zajednica i principi rada)

- (1) Akademska, društvena, etička odgovornost, uzajamnost i partnerstvo su osnovne ideje vodilje i načela u postupanju i radu članova akademske zajednice.
 - (2) Članovi akademske zajednice su akademsko i naučnoistraživačko osoblje, studenti i drugi saradnici koji su učesnici u procesu visokog obrazovanja, naučnoistraživačkog i umjetničkog rada.
 - (3) Članovi akademske zajednice su prilikom javnog nastupa u ime Univerziteta dužni istaći pripadnost Univerzitetu, organizacionoj jedinici te akademsko zvanje.“
- mijenja se i glasi:**

„Član 6.

(Akademska zajednica i zvanja)

- (1) Akademsko osoblje Univerziteta čine osobe izabrane u odgovarajuća akademska zvanja u skladu sa uvjetima utvrđenim zakonom, ovim statutom i drugim aktima Univerziteta/fakulteta/akademije.
- (2) Akademska zvanja mogu biti: a) naučno-nastavna: redovni profesor, vanredni profesor, docent, lektor, viši asistent, asistent, b) umjetničko-nastavna: redovni profesor, vanredni profesor, docent, viši asistent i asistent.
- (3) Akademska zvanja iz stava (2) ovog člana se razvrstavaju na: nastavnička i saradnička.
- (4) Osoblje izabранo u akademska zvanja lektora, docenta, vanrednog profesora i redovnog profesora su nastavnici, a osoblje izabранo u zvanja asistenta i višeg asistenta su saradnici.“

Obrazloženje: Predloženom izmjenom naziva i člana 6. vrši se preciziranje akademske zajednice i zvanja.

Član 3.

(Izmjena člana 14.)

U članu 14. (Naziv, sjedište i dan Univerziteta, registracija) u stavu (5) tački a) iza teksta koji glasi: „Općinski sud u Zenici“ briše se interpunkcijski znak zarez i dio teksta koji glasi: „pod brojem: MBS 43-05-0021-08 (stari broj 2-306),“.

Obrazloženje: Predloženom izmjenom člana 14. briše se dio teksta koji predstavlja promjenjivu kategoriju, te bi se zbog iste prilikom svake promjene u Registru morao mijenjati Statut.

Član 4.

(Izmjena člana 31.)

U članu 31. (Sastav Univerziteta) u stavu (3) dio teksta koji glasi: „Funkcije, međusobna saradnja, razvijanje zajedničkih aktivnosti, te međusobna prava i obaveze uređuju se posebnim ugovorom između Univerziteta i Studentskog centra Zenica na koji prethodnu saglasnost daje Vlada ZDK.“ briše se.

Obrazloženje: Predloženom izmjenom člana 31. vrši se preciziranje teksta u cilju prevazilaženja nepotrebnog ponavljanja.

Član 5.

(Izmjena člana 34.)

U članu 34. (Rektorat Univerziteta) u stavu (2) vrši se izmjena tačaka e), f), g), h), i), j), k), l) i m) i iste postaju tačke a), b), c), d), e), f), g), h) i i).

Obrazloženje: Predloženom izmjenom člana 34. vrši se ispravka tehničke greške.

Član 6.

(Izmjena člana 35.)

(1) U članu 35. (Organizacione jedinice Univerziteta) stav (1) dio teksta koji glasi: „Univerzitet u svom sastavu može integrisati organizacione jedinice koje čine fakulteti, akademije, instituti i Studentski centar, kako slijedi:“ mijenja se i isti glasi: „Univerzitet čine sljedeće organizacione jedinice:“.

(2) U istom članu u stavu (1) tačka h) koja glasi: Islamski pedagoški fakultet, ul. Juraja Neidharta broj 15 (ravnopravna članica sa posebnim statusom) mijenja se i glasi: Islamski pedagoški fakultet, Bilmišće bb (ravnopravna članica sa posebnim statusom);

Obrazloženje: Predloženom izmjenom člana 35. vrši se pojednostavljenje uvodnog dijela stava (1), te ispravka adrese Islamskog pedagoškog fakulteta u Zenici.

Član 7.

(Dopuna novim članom 43.a)

Iza člana 43. (Stručno usavršavanje) dodaje se novi član 43.a (Dualni studij) koji glasi:“

(1) Univerzitet putem svojih organizacionih jedinica organizira dualni studij u kojem studenti kroz aktivnu nastavu na Univerzitetu i praktičnu obuku radom u poslovnom subjektu stiču, usavršavaju, odnosno izgrađuju znanja, vještine i kompetencije u skladu sa studijskim programom i standardom kvalifikacije.

(2) Dualni studij se može organizovati kao samostalni studijski program i kao jedan od modula unutar drugih studijskih programa.

(3) Dualni studij se realizuje kroz teorijsku nastavu na Univerzitetu i praktičnu obuku i rad u poslovnim subjektima.

(4) Organizaciona jedinica Univerziteta koja želi realizovati studijske programe po dualnom modelu studija formira mrežu poslovnih subjekata i drugih organizacija koji imaju

potrebu za zapošljavanjem lica sa kvalifikacijama koje se stiču na toj organizacionoj jedinici.

(5) Međusobni odnos Univerziteta, poslovnih subjekata i drugih organizacija i studenata u studijskim programima, odnosno modulima po dualnom modelu uređuju se posebnim ugovorom.

(6) Ugovorima iz stava (5) ovog člana osiguranje kvalitete studija povjerava se Univerzitetu.“

Obrazloženje: Predloženom dopunom novog člana 43.a vrši se usklađivanje sa odredbama 124. Zakona o visokom obrazovanju ZDK.

Član 8.

(Izmjene člana 44.)

(1) U članu 44. (Oblici naučnoistraživačkog i stručnog rada organizacionih jedinica) u stavu (3) u tački b) interpunkcijski znak tačka zarez zamjenjuje se interpunkcijskim znakom tačka.

(2) U istom članu u stavu (3) tačka c) koja glasi: „obrada podataka.“ briše se.

Obrazloženje: Predloženim izmjenama člana 44. vrši se ispravka tehničke greške.

Član 9.

(Izmjene člana 46.)

U članu 46. (Matične katedre) u stav (6) koji glasi: U slučaju kada nisu ispunjeni uslovi za formiranje katedri kompetencije katedri preuzima NNV/ UNV, o čemu se donosi posebna odluka“ mijenja se i glasi: „U slučaju kada nisu ispunjeni uslovi za formiranje katedri kompetencije katedri preuzima NNV/ UNV, o čemu Senat donosi posebnu odluku.“

Obrazloženje: Predloženom izmjenom člana 46. vrši se preciziranje djelovanja i rada univerzitetskih katedri.

Član 10.

(Izmjena člana 54.)

U članu 54. (Postupak izbora) stav (2) koji glasi: „Opći uslovi za imenovanje članova Upravnog odbora iz reda stalno uposlenih Univerziteta i člana iz reda studenata su:

- a) da je državljanin BiH,
- b) da je stariji od 18 godina
- c) da protiv kandidata nije potvrđena optužnica za krivično djelo,
- d) da kandidat nije pravosnažno osuđen za krivično djelo.“

mijenja se i glasi:

„(2) Opći uslovi za imenovanje članova Upravnog odbora iz reda stalno uposlenih Univerziteta i člana iz reda studenata su:

- a) da je državljanin BiH,
- b) da nije pravosnažno osuđen za krivično djelo sa pravnom posljedicom zabrane vršenja funkcije.“

Obrazloženje: Predloženom izmjenom stava (2) člana 54. vrši se usklađivanje sa odredbama Krivičnog zakona Federacije BiH i u cilju poštivanja principa presumpcije nevinosti.

Član 11.

(Dopuna člana 57.)

U članu 57. (Postupak izjašnjavanja Senata o kandidatima na pozicije članova Upravnog odbora) u stavu (1) iza teksta koji glasi: “Senat javnim glasanjem vrši izbor članova Upravnog odbora sa liste kandidata koja je utvrđena od strane Komisije.“ Interpunkcijski znak tačka zamjenjuje se interpunkcijskim znakom tačka i dodaje se tekst koji glasi: „osim

ako Senat većinom glasova odluči da se o izboru članova Upravnog odbora izjasni tajnim glasanjem.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 12. (Dopuna člana 60.)

U članu 60. (Postupak razrješenja dužnosti člana Upravnog odbora iz reda predstavnika Univerziteta) u stavu (2) iza teksta koji glasi: „dvotrećinskom većinom“ briše se interpunkcijski znak tačka i dodaje dio teksta koji glasi: „javnim glasanjem osim ako Senat većinom glasova odluči da se o razrješenju članova Upravnog odbora izjasni tajnim glasanjem.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 13. (Izmjena i dopune člana 63.)

Član 63. (Inicijativa za sazivanje sjednica Upravnog odbora) koji glasi:

- „(1) Sjednice Upravnog odbora se sazivaju kada se za to ukaže potreba na inicijativu predsjednika ili većine članova Upravnog odbora, kao i na prijedlog Osnivača, Senata i rektora.
- (2) Predsjednik je obavezan sazvati sjednicu i kada to, obrazloženim prijedlogom u pisanoj formi, zahtijevaju najmanje polovina NNV-a organizacionih jedinica i NV instituta.
- (3) Predsjednik Upravnog odbora saziva sjednice, priprema sjednice i potpisuje akte i odluke donesene na sjednicama Upravnog odbora. Sjednicama Upravnog odbora mogu prisustvovati rektor i prorektori bez prava glasa.“

mijenja se i isti glasi:

- „(1) Sjednice Upravnog odbora se sazivaju kada se za to ukaže potreba na inicijativu predsjednika ili većine članova Upravnog odbora, kao i na prijedlog Osnivača, Senata i rektora.
- (2) U pripremi sjednica Upravnog odbora obavezno učestvuju predsjednik upravnog odbora, rektor i generalni sekretar.
- (3) Predsjednik je obavezan sazvati sjednicu i kada to, obrazloženim prijedlogom u pisanoj formi, zahtijevaju najmanje polovina NNV-a organizacionih jedinica i NV instituta.
- (4) Predsjednik Upravnog odbora saziva sjednice, priprema sjednice i potpisuje akte i odluke donesene na sjednicama Upravnog odbora.
- (5) Sjednicama Upravnog odbora obavezno prisustvuje rektor, generalni sekretar ili druge osobe po ovlaštenju rektora bez prava glasa.
- (6) Sjednicama Upravnog odbora rukovodi i predsjedava predsjednik/zamjenik predsjednika, brine se o zakonitosti rada Upravnog odbora, te je odgovoran za primjenu Poslovnika o radu.“

Obrazloženje: Predložena izmjena i dopune člana 63. vrši se preciziranje organizacije i sazivanja sjednica Upravnog odbora Univerziteta.

Član 14. (Izmjene člana 65.)

U članu 65. (Sastav Senata) u stavu (1) tačka „f) direktor Instituta „Kemal Kapetanović“ i tačka g) „direktor Studentskog centra, kao i“ briše se, a dosadašnja tačka „h) predstavnici studenata sva 3 (tri) ciklusa, u broju koji ne može biti manji od 15 % od ukupnog broja članova Senata, a koje bira studentski predstavnički organ.“ postaje tačka f).

Obrazloženje: Predloženim izmjenama člana 65. vrši se usklađivanje sa odredbom člana 55. stav (1) Zakona o visokom obrazovanju ZDK, člana 19.a stav (1) Zakona o JU Univerzitet u Zenici ZDK.

Član 15.

(Izmjena i dopuna člana 66.)

- (1) U članu 66. (Djelokrug rada Senata) u stavu (2) tačka i) koja glasi: „na prijedlog rektora imenuje šefove katedri;“ mijenja se i glasi: „ na prijedlog rektora imenuje i razrješava šefove katedri i studijskih programa;“.
- (2) U istom članu u stavu (2) tačka m) koja glasi: „imenuje mentora/komentora, komisije i usvaja izvještaje u postupku stjecanja doktorata nauka na prijedlog naučno-nastavnog vijeća, odnosno vijeća organizacione jedinice;“ mijenja se i ista glasi: „m) imenuje mentora/komentora, komisije i usvaja izvještaje u postupku stjecanja doktorata nauka na prijedlog vijeća doktorskog studija;“.
- (3) U istom članu u stavu (2) iza tačke ah) vrši se dopuna novom tačkom koja glasi: „donosi dokument o politici osiguravanja kvaliteta i metode samovrednovanja za sva tri studijska ciklusa;“
- (4) U istom članu u stavu (4) riječ „Podlogu“ zamjenjuje se riječju „Osnov“.
- (5) U istom članu stav (5) koji glasi: „U slučaju izostajanja, odnosno neblagovremenog i/ili nepotpunog djelovanja ili hitnosti donošenja odluke nosioca aktivnosti iz prethodnog stava, Senat može donositi odluke u skladu s utvrđenim potrebama i interesima Univerziteta u Zenici.“ mijenja se i glasi: „U slučaju izostajanja, odnosno neblagovremenog i/ili nepotpunog djelovanja ili hitnosti donošenja odluke iz prethodnog stava, Senat može donositi odluke i bez navedenog prijedlog, pod uslovom da je to u interesu Univerziteta u Zenici.“

Obrazloženje: Predložene izmjene i dopune člana 66. vrše se u cilju skraćivanja procedure predlaganja u postupku prijave i izrade doktorskog rada, kao i radi preciziranja teksta.

Član 16.

(Dopuna člana 68.)

U članu 68. (Predsjedavajući Senata) u stavu (5) iza teksta koji glasi: „(5) Senat može razriješiti predsjedavajućeg Senata dvotrećinskom većinom.“ dodaje se dio teksta koji glasi: „javnim glasanjem, osim ako Senat većinom glasova odluči da se o smjeni predsjedavajućeg odlučuje tajnim glasanjem.“

Obrazloženje: Predloženom dopunom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 17.

(Izmjena člana 70.)

U članu 70. (Organ rukovođenja Univerziteta) stav (1) koji glasi: „Rektor rukovodi radom i poslovanjem Univerziteta u skladu sa zakonom i ovim Statutom.“ Mijenja se i isti glasi: „Univerzitetom rukovodi rektor u skladu sa zakonom i ovim Statutom.“

Obrazloženje: Predložena izmjena vrši se radi usklađivanja sa odredbom člana 57. stav (1) Zakona o visokom obrazovanju ZDK.

Član 18.

(Izmjena člana 71.)

U članu 71. (Izbor rektora) stav (1) koji glasi: „Rektora bira i razrješava Senat, javnim glasanjem, nakon provedene procedure javnog konkursa, a u skladu sa zakonom i ovim Statutom.“ mijenja se i isti glasi: „Rektora bira Senat, javnim glasanjem, osim ako Senat

većinom glasova odluči da se o izboru Rektora izjasni tajnim glasanjem, nakon provedene procedure javnog konkursa, a u skladu sa zakonom i ovim Statutom.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 19. (Izmjena člana 72.)

U članu 72. (Opći i posebni uslovi za izbor rektora) stav (2) koji glasi: „Opći uslovi u smislu prethodnog stava su:

- a) da je državljanin BiH,
- b) da je stariji od 18 godina
- c) da protiv kandidata nije potvrđena optužnica za krivično djelo nespojivo s funkcijom rektora,
- d) da kandidat nije osuđen za krivično djelo.“

mijenja se i glasi:

„(2) Opći uslovi, u smislu prethodnog stava, su:

- a) da je državljanin BiH,
- b) da nije pravosnažno osuđen za krivično djelo sa pravnom posljedicom zabrane vršenja funkcije.“

Obrazloženje: Predloženom izmjenom stava (2) člana 54. vrši se usklađivanje sa odredbama Krivičnog zakona Federacije BiH i u cilju poštivanja principa presumpcije nevinosti.

Član 20. (Izmjena člana 77.)

U članu 77. (Odlučivanje o izboru rektora) u stavu (2) koji glasi: „Senat Univerziteta odlučuje o izboru rektora javnim glasanjem.“ Interpunktacijski znak tačka se briše i dodaje dio teksta koji glasi: „osim ako članovi Senata ne odluče da se izjašnjavaju tajnim glasanjem.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 21. (Izmjena člana 78.)

U članu 78. (Imenovanje vršioca dužnosti rektora) stav (2) koji glasi: „Prijetlog za vršioca dužnosti rektora, u smislu prethodnog stava, može dati svaki član Senata, s tim što se izbor vrši javnim glasanjem, većinom glasova od ukupnog broja njegovih članova.“ mijenja se i glasi: „Prijetlog za vršioca dužnosti rektora, u smislu prethodnog stava, može dati svaki član Senata, s tim što se izbor vrši javnim glasanjem osim ako članovi Senata ne odluče da se izjašnjavaju tajnim glasanjem, većinom glasova od ukupnog broja njegovih članova.“

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 22. (Izmjene i dopune člana 80.)

(1) U članu 80. (Djelokrug rada rektora) stav (2) koji glasi: „ U vršenju poslova iz prethodnog stava, rektoru pomažu rukovodioci i drugi uposlenici Univerziteta.“ briše se.

(2) U istom članu iza stava (1) dodaju se stavovi (2), (3) i (4) koji glase:

„(2) Prilikom obavljanja poslova utvrđenih stavom (1) ovoga člana, zakonom i drugim općim aktima, rektor može osnivati ad hoc komisije i radna tijela, te zahtijevati prethodna mišljenja Senata.

- (3) Imenovani za vrijeme mandata rektora obavlja i poslove nastavnika u odgovarajućem zvanju na predmetima za koje je izabran u okviru organizacione jedinice i odgovarajuće univerzitetske katedre.
- (4) U vršenju poslova iz stava 1. ovog člana, rektoru pomažu prorektori, rukovodioци i drugi uposlenici Univerziteta.“

Obrazloženje: Predloženim izmjenama i dopunama člana 80. vrši se preciziranje djelokruga rada rektora, kao i uvođenje ovlaštenja koja su propisana članom 126. (Djelokrug rada dekana) Statuta Univerziteta.

Član 23. (Izmjena člana 83.)

U članu 83. (Dužnost rektora) u stavu (2) vrši se dopuna tako da se iza riječi koje glase: „Senat i“ dodaje riječ „nadležni“.

Obrazloženje: Predloženom dopunom vrši se preciziranje teksta.

Član 24. (Dopuna člana 85.)

U članu 85. (Razrješenje dužnosti rektora) u stavu (1) tački a) iza riječi „posljedicom“ dodaje se riječ „zabrane“.

Obrazloženje: Predloženom dopunom vrši se usklađivanje teksta sa zakonskim odredbama.

Član 25. (Izmjena člana 86.)

U članu 86. (Odlučivanje Senata o razrješenju rektora) stav (1) koji glasi: „O prijedlogu za razrješenje dužnosti rektora, u smislu stava (1) prethodnog člana, Senat odlučuje javnim glasanjem, a za donošenje pravovaljane odluke potrebna je dvotrećinska većina glasova od ukupnog broja njegovih članova.“ mijenja se i glasi: „O prijedlogu za razrješenje dužnosti rektora Senat odlučuje javnim glasanjem, dvotrećinskom većinom glasova od ukupnog broja njegovih članova, osim ako članovi Senata ne odluče da se izjašnjavaju tajnim glasanjem.“

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 26. (Dopuna člana 88.)

U članu 88. (Izbor prorektora) u stavu (1) koji glasi: „Na obrazložen prijedlog Rektora, Proektore bira Senat, javnim glasanjem.“ briše se interpunkcijski znak tačka i dodaje dio teksta koji glasi: „osim ako članovi Senata ne odluče da se izjašnjavaju tajnim glasanjem.“

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 27. (Dopuna člana 90.)

U članu 90. (Postupak izbora prorektora) u stavu (2) koji glasi: „Senat se očituje o svakom prijedlogu prorektora pojedinačno, javnim glasanjem.“ briše se interpunkcijski znak tačka i dodaje dio teksta koji glasi: „osim ako članovi Senata ne odluče da se izjašnjavaju tajnim glasanjem.“

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 28.

(Izmjena člana 91.)

U članu 91. (Imenovanje vršioca dužnosti prorektora) u stavu (1) dio teksta koji glasi: „12 (dvanaest“ mijenja se i isti glasi: „, 6 (šest)“.

Obrazloženje: Predloženom izmjenom skraćuje se period imenovanja vršioca dužnosti prorektora.

Član 29.

(Izmjena i dopuna člana 93.)

(1) U članu 93. (Prorektor za nastavu i studentska pitanja) u stavu (1) iza tačke f) dodaje se nova tačka g) koja glasi: „g) najmanje jednom godišnje podnosi izvještaj o svom radu rektoru;“, a tačke od g) do m) postaju tačke h) do n).

(2) U istom članu u stavu (1) u tački n) se iza riječi „pitanja,“ dodaje tekst koji glasi: „i ostale poslove“.

Obrazloženje: Predloženom izmjenom i dopunom vrši se preciziranje i usklađivanje teksta.

Član 30.

(Izmjena člana 94.)

U članu 94. (Prorektor za naučnoistraživački rad) u stavu (1) tački j) riječi koje glase. „, i Senatu“ brišu se.

Obrazloženje: Predloženom izmjenom vrši se preciziranje i usklađivanje teksta.

Član 31.

(Izmjena člana 95.)

U članu 95. (Prorektor za međunarodnu saradnju i osiguranje kvaliteta) u stavu (1) tački k) riječi koje glase. „, i Senatu“ brišu se.

Obrazloženje: Predloženom izmjenom vrši se preciziranje i usklađivanje teksta.

Član 32.

(Izmjena člana 96.)

U članu 95. (Prorektor za finansije i razvoj) u stavu (1) tački h) riječi koje glase. „, i Senatu“ brišu se.

Obrazloženje: Predloženom izmjenom vrši se preciziranje i usklađivanje teksta.

Član 33.

(Izmjena člana 97.)

U članu 97. (Razrješenje dužnosti prorektora) stav (2) koji glasi: „Prijedlog za razrješenje dužnosti prorektora mogu dati rektor ili većina članova Senata.“ mijenja se i glasi: „Prijedlog za razrješenje dužnosti prorektora daje rektor.“.

Obrazloženje: Predloženom izmjenom vrši se usklađivanje sa odredbom člana 62. stav (4) Zakona o visokom obrazovanju ZDK.

Član 34.

(Izmjena člana 99.)

U članu 99. (Djelokrug rada Kolegija Rektorata) stav (2) koji glasi: „Na prijedlog rektora predlaže opće akte i donosi pojedinačne akte u skladu sa zakonom i Statutom Univerziteta.“ mijenja se i glasi: „Zauzima stavove na prijedlog rektora u pogledu donošenja općih akata.“

Obrazloženje: Predloženom izmjenom vrši se usklađivanje nadležnosti Kolegija Rektorata.

Član 35.

(Izmjena člana 106.)

U članu 106. (Djelokrug rada Komisije za izdavačku djelatnost) u stavu (1) tačka e) dio teksta koji glasi: „podnosi izvještaj Senatu Univerziteta“ zamjenjuje se riječju „provjerava“.

Obrazloženje: Predloženom izmjenom vrši se usklađivanje nadležnosti Komisije.

Član 36.

(Izmjena člana 111.)

Član 111. (Naučno-nastavno, odnosno umjetničko-nastavno vijeće) koji glasi:

- „(1) Naučno-nastavno, odnosno umjetničko-nastavno vijeće, akademsko je tijelo fakulteta/akademije nadležno i odgovorno za akademska pitanja, kojeg čine:
- a) dekan;
 - b) prodekan;
 - c) svi nastavnici koji su u radnom odnosu na toj organizacionoj jedinici/Univerzitetu i po jedan predstavnik saradnika matičnih katedri te organizacione jedinice. Izuzetno od navedenog, članovi NNV Medicinskog fakulteta mogu biti nosioci obaveznih predmeta zaposleni sa punim radnim vremenom u Kantonalnoj bolnici Zenica.
 - d) predstavnici studenata sva tri ciklusa studija u broju koji ne može biti manji od 15% od ukupnog broja članova NNV-a/UNV-a.
- (2) Rektor i prorektori Univerziteta su članovi naučno-nastavnog odnosno umjetničkog nastavnog vijeća one organizacione jedinice sa koje dolaze na tu poziciju
- (3) Naučno-nastavno, odnosno umjetničko-nastavno vijeće, ima predsjedavajućeg, koji priprema i predsjedava sjednicama.
- (4) Predsjedavajući i zamjenik predsjedavajućeg biraju se iz reda članova vijeća, s tim da dekan i prodekan, saradnici i studenti ne mogu biti imenovani za predsjedavajućeg i zamjenika predsjedavajućeg.
- (5) Način rada vijeća bit će uređen poslovnikom o radu, kojeg donosi vijeće, u roku od 30 dana od dana stupanja na snagu ovog Statuta.
- (6) Član vijeća fakulteta/akademije iz stava (1) tačka c) i tačka d) ovog člana može biti član vijeća samo jednog fakulteta/akademije.“

mijenja se i glasi:

- „(1) Naučno-nastavno, odnosno umjetničko-nastavno vijeće, akademsko je tijelo fakulteta/akademije nadležno i odgovorno za akademska pitanja, kojeg čine:
- a) dekan;
 - b) prodekan;
 - c) svi nastavnici matičnih katedri te organizacione jedinice koji su u radnom odnosu
 - d) po jedan predstavnik saradnika matičnih katedri koji je u radnom odnosu.
 - e) predstavnici studenata sva tri ciklusa studija u broju koji ne može biti manji od 15 % od ukupnog broja članova NNV-a/UNV-a.
- (2) Izuzetno od navedenog, članovi NNV Medicinskog fakulteta mogu biti nosioci obaveznih predmeta zaposleni sa punim radnim vremenom u institucijama koje čine nastavnu bazu Medicinskog fakulteta.
- (3) Rektor i prorektori Univerziteta su članovi naučno-nastavnog odnosno umjetničkog nastavnog vijeća one organizacione jedinice sa koje dolaze na tu poziciju, tj. naučno-nastavnog vijeća fakulteta gdje se nalazi njihova matična katedra.
- (4) Naučno-nastavno, odnosno umjetničko-nastavno vijeće, ima predsjedavajućeg, koji priprema i predsjedava sjednicama.
- (5) Predsjedavajući i zamjenik predsjedavajućeg biraju se iz reda članova vijeća, s tim da dekan i prodekan, saradnici i studenti ne mogu biti imenovani za predsjedavajućeg i zamjenika predsjedavajućeg.

- (6) Način rada vijeća bit će uređen poslovnikom o radu, kojeg donosi vijeće, u roku od 30 dana od dana stupanja na snagu ovog Statuta.
- (7) Član vijeća fakulteta/akademije iz stava (1) tačka c) ovog člana može biti član vijeća samo jednog fakulteta/akademije.

Obrazloženje: Predloženom izmjenom i dopunom vrši se usklađivanje sa članom 70. stav (1) Zakona o visokom obrazovanju ZDK.

Član 37.

(Izmjene i dopune člana 112.)

U članu 112. (Djelokrug rada NNV/UNV) stav (1) koji glasi:

,,(1) Djelokrug rada naučno-nastavnog, odnosno umjetničko-nastavnog vijeća, je:

- a) donosi odluke o svim akademskim, nastavnim, naučnim i stručnim pitanjima u okviru svoje nadležnosti;
- b) predlaže i samovrednuje nastavni plan i program za sve cikluse studija;
- c) vrši preispitivanje nastavnih planova i programa za sve cikluse studija i to najmanje jednom po isteku ciklusa studija;
- d) donosi opće akte fakulteta/akademije;
- e) imenuje i razrješava dužnosti dekana javnim glasanjem;
- f) na prijedlog dekana imenuje i razrješava dužnosti prodekane i predsjedavajućeg NNV/UNV javnim glasanjem;
- g) imenovanje i razrješenje dužnosti šefa studijskog programa na prijedlog dekana;
- h) predlaže Senatu Univerziteta programe naučnoistraživačkog i umjetničkog rada, te program stručnog usavršavanja;
- i) izvođenje redovnih godišnjih internih evaluacija stanja (samoevaluacija) s prijedlogom mjera poboljšanja;
- j) utvrđivanje prijedloga komisija, prijedloga o usvajanju izvještaja u postupku sticanja naučnog stepena doktora nauka;
- k) imenuje komisiju, odobrava temu i mentora za izradu magistarskog rada;
- l) predlaže Senatu sastav komisije za ocjenu i podobnost teme i kandidata, komisije za ocjenu i odbranu doktorskog, te predlaže usvajanje izvještaja komisije za ocjenu i odbranu doktorskog rada;
- m) utvrđivanje prijedloga plana pokrivenosti nastave (nastavnički tim) za akademsku godinu, odnosno za realizaciju nastavnih planova i programa sva 3 (tri) ciklusa;
- n) utvrđivanje prijedloga za raspisivanje konkursa i imenovanje komisija za pripremanje prijedloga za izbor nastavnika i saradnika;
- o) razmatranje zahtjeva i utvrđivanje prijedloga za naučno i stručno usavršavanje u zemlji i inostranstvu;
- p) utvrđivanje prijedloga za izbor kandidata u akademska zvanja;
- q) iniciranje prijedloga za dodjelu počasnog zvanja professor emeritus i počasnog doktorata nauka od strane najmanje 2 (dva) NNV/UNV fakulteta/akademije;
- r) donosi odluke o odobrenju izrade predmetnog udžbenika, o imenovanju recenzentata i usvajanju recenzionih izvještaja, na prijedlog nadležne katedre, a u skladu s Pravilnikom o izdavačkoj djelatnosti;
- s) na prijedlog dekana bira i razrješavae dužnosti predstavnika fakulteta/akademije u organe Univerziteta, na način utvrđen ovim Statutom i drugim općim aktima;
- t) utvrđuje prijedloga broja studenata za upis na sve cikluse studija;
- u) vrši izbor studenata-saradnika (demonstratora) na stručnim studijskim predmetima;

- v) odlučuje o prigovorima studenata na odluke dekana o pojedinačnim pravima, obavezama i odgovornostima studenata;
- w) analizira rezultate prolaznosti studenata i predlaže mjere za poboljšanje prolaznosti i efikasnosti studija;
- x) utvrđuje raspored ispitnih rokova za narednu akademsku godinu na prijedlog prodekana za nastavu;
- y) usvaja raspored diplomanata po katedrama za izradu i odbranu diplomskih radova, te imenuje mentora za izradu i odbranu diplomskih radova;
- z) ocjenjuje i prati ankete studenata o radu nastavnog i ostalog osoblja koje se provode u okviru osiguranja sistema kvaliteta;
- aa) razmatra stanja NIR-a na fakultetu/akademiji;
- ab) utvrđuje strateške projekte za razvoj fakulteta;
- ac) donosi odluke o svim drugim akademskim, naučnim, umjetničkim i stručnim pitanjima na nivou fakulteta/akademije, koja nisu u nadležnosti Senata i drugih organa Univerziteta;
- ad) vrši i druge nadležnosti, u skladu sa zakonom i ovim Statutom.

mijenja se i glasi:

„(1) Djelokrug rada naučno-nastavnog, odnosno umjetničko-nastavnog vijeća, je:

- a) donosi odluke o svim akademskim, nastavnim, naučnim i stručnim pitanjima u okviru svoje nadležnosti;
- b) predlaže i samovrednuje nastavni plan i program za sve cikluse studija;
- c) vrši preispitivanje nastavnih planova i programa za sve cikluse studija i to najmanje jednom po isteku ciklusa studija;
- d) donosi opće akte fakulteta/akademije;
- e) imenuje i razrješava dužnosti dekana javnim glasanjem osim ako članovi NNV-a ne odluče da se izjašnjavaju tajnim glasanjem;
- f) na prijedlog dekana imenuje i razrješava dužnosti prodekane i predsjedavajućeg NNV/UNV javnim glasanjem osim ako članovi NNV-a ne odluče da se izjašnjavaju tajnim glasanjem;
- g) predlaže Senatu Univerziteta programe naučnoistraživačkog i umjetničkog rada, te program stručnog usavršavanja;
- h) vrši internu evaluaciju stanja (samoevaluacija) s prijedlogom mjera poboljšanja jednom godišnje;
- i) utvrđuje personalni sastav NNV-a i matičnih katedri na početku svake akademske godine;
- j) imenuje komisiju, odobrava temu i mentora za izradu magistarskog rada;
- k) predlaže Senatu sastav komisije za ocjenu i podobnost teme i kandidata, komisije za ocjenu i odbranu doktorskog, te predlaže usvajanje izvještaja komisije za ocjenu i odbranu doktorskog rada;
- l) utvrđuje prijedlog plana pokrivenosti nastave (nastavnički tim) za akademsku godinu, odnosno za realizaciju nastavnih planova i programa sva 3 (tri) ciklusa;
- m) utvrđuje prijedlog za raspisivanje konkursa i imenovanje komisija za pripremanje prijedloga za izbor nastavnika i saradnika;
- n) razmatra zahtjeve i utvrđuje prijedloge za naučno i stručno usavršavanje u zemlji i inostranstvu o čemu odluku donosi senat;
- o) utvrđivanje prijedloga za izbor kandidata u akademska zvanja;
- p) iniciranje prijedloga za dodjelu počasnog zvanja professor emeritus i počasnog doktorata nauka od strane najmanje 2 (dva) NNV/UNV fakulteta/akademije;

- q) donosi odluke o odobrenju izrade predmetnog udžbenika, o imenovanju recenzentata i usvajanju recenzionih izvještaja, na prijedlog nadležne katedre, a u skladu s Pravilnikom o izdavačkoj djelatnosti;
- r) na prijedlog dekana bira i razrješava dužnosti predstavnika fakulteta/akademije u organe Univerziteta, na način utvrđen ovim Statutom i drugim općim aktima;
- s) utvrđuje prijedloga broja studenata za upis na sve cikluse studija;
- t) vrši izbor studenata-saradnika (demonstratora) na stručnim studijskim predmetima;
- u) odlučuje o prigovorima studenata na odluke dekana o pojedinačnim pravima, obavezama i odgovornostima studenata;
- v) analizira rezultate prolaznosti studenata i predlaže mјere za poboljšanje prolaznosti i efikasnosti studija;
- w) utvrđuje raspored ispitnih rokova za narednu akademsku godinu na prijedlog prodekana za nastavu;
- x) usvaja raspored diplomanata po katedrama za izradu i odbranu diplomskih radova, te imenuje mentora za izradu i odbranu diplomskih radova;
- y) ocjenjuje i prati ankete studenata o radu nastavnog i ostalog osoblja koje se provode u okviru osiguranja sistema kvaliteta;
- z) razmatra stanja NIR-a na fakultetu/akademiji;
- aa) utvrđuje strateške projekte za razvoj fakulteta;
- bb) donosi odluke o svim drugim akademskim, naučnim, umjetničkim i stručnim pitanjima na nivou fakulteta/akademije, koja nisu u nadležnosti Senata i drugih organa Univerziteta;
- cc) vrši i druge nadležnosti, u skladu sa zakonom i ovim Statutom.“

Obrazloženje: Predloženim izmjenama i dopunama vrši se preciziranje djelokruga rada NNV/UNV.

Član 38. (Izmjene člana 115.)

U članu 115. (Odlučivanje na sjednicama NNV/UNV-a) stav (1) koji glasi: „NNV/UNV pravovaljano raspravlja i odlučuje kada sjednici prisustvuje većina od ukupnog broja njegovih članova.“ Mijenja se i glasi: „Za punovažno odlučivanje NNV/UNV neophodno je prisustvo većine od ukupnog broja njegovih članova.“

Obrazloženje: Predloženom izmjenom vrši se stilsko uređenje teksta.

Član 39. (Izmjene člana 117.)

Član 117. (Vijeće doktorskog studija) koji glasi:

„ (1) Stalno stručno tijelo doktorskog studija organiziranog samostalno od strane fakulteta/akademije Univerziteta iz naučnih/umjetničkih oblasti, za koje je fakultet/akademija matičan je NNV/

UNV-a fakulteta/akademije (u daljem tekstu: Vijeće studija).

(2) Stalno stručno tijelo doktorskog studija organiziranog kao zajednički doktorski studij fakulteta/

akademija Univerziteta ili kao zajednički doktorski studij s drugim visokoškolskim ustanovama

je vijeće doktorskog studija (u daljem tekstu: vijeće studija), kojeg imenuje Senat Univerziteta

organizatora studija.

(3) Vijeće studija iz stava (1) ovog člana čine pored članova NNV/UNV-a fakulteta/akademije i svi nastavnici-nositelji nastavnog i istraživačkog procesa na doktorskom studiju.

(4) Vijeće studija iz stava (2) ovog člana čine svi nastavnici-nositelji nastavnog i istraživačkog procesa na doktorskom studiju, uključujući prodekane za nastavu i prodekane za naučnoistraživački /umjetničkoistraživački rad organizacione jedinice koja organizuje studij.

(5) Vijeće studija upravlja doktorskim studijem, rješava sva pitanja koja se odnose na organizaciju

i tok studiranja, predlaže Senatu Univerziteta donošenje odluka u vezi sa studijem (komisije, metore, komentore, teme i sl.).

(6) Članove vijeća studija iz stavova (1) i (2) imenuje Senat Univerziteta na period od 4 (četiri) godine, kao i sekretara vijeća studija na period od 2 (dvije) godine, iz reda saradničkog osoblja

fakulteta /akademije/Univerziteta za obavljanje sekretarskih poslova.

(7) Predsjedavajućeg vijeća studija imenuju članovi vijeća studija iz reda svojih članova.

(8) Pravilnikom o dodiplomskom, magistarskom i doktorskom studiju se detaljnije regulišu pitanja

od značaja za rad stručnog tijela.“

mijenja se i glasi:

„(1) Vijeće doktorskog studija je stalno stručno tijelo koje vodi doktorski studij organizirano samostalno od strane fakulteta/akademije/Univerziteta (u daljem tekstu: Vijeće studija).

(2) Ukoliko se organizira zajednički doktorski studij od strane više fakulteta/akademije Univerziteta, Vijeće doktorskog studija imenuje Senat. Ukoliko se organizira zajednički doktorski studij sa drugom visokoškolskom ustanovom, Vijeće doktorskog studija se utvrđuje sporazumno, a konačnu verifikaciju sporazuma vrši Senat.

(3) Vijeće studija iz stava (1) ovog člana čine svi redovni i vanredni profesori članovi NNV/UNV, student predstavnik III ciklusa kao i svi nastavnici-nositelji predmeta na doktorskom studiju. Ukoliko se organizuje zajednički doktorski studiji, Vijeće studija se određuje posebnom odlukom Senata.

(4) Vijeće studija iz stava (2) ovog člana čine svi nastavnici-nositelji nastavnog i istraživačkog procesa na doktorskom studiju, uključujući prodekane za nastavu i prodekane za naučnoistraživački /umjetničkoistraživački rad organizacione jedinice koja organizuje studij.

(5) Vijeće studija upravlja doktorskim studijem, rješava sva pitanja koja se odnose na organizaciju i tok studiranja, predlaže Senatu Univerziteta donošenje odluka u vezi sa studijem (komisije, mentore, komentore, teme i sl.).

(6) Članove Vijeća studija iz stavova (1) i (2), kao i sekretara Vijeća studija imenuje Senat Univerziteta na početku svake akademske godine.

(7) Predsjedavajućeg Vijeća studija imenuju članovi Vijeća studija iz reda svojih članova .

(8) Pravilnikom o dodiplomskom, magistarskom i doktorskom studiju se detaljnije regulišu pitanja od značaja za rad stručnog tijela.

Obrazloženje: Predloženim izmjenama vrši se usklađivanje i preciziranje članstva vijeća doktorskog studija.

Član 40.

(Dopuna člana 119.)

U članu 119. (Izbor dekana) u stavu (1) iza dijela teksta koji glasi: „Dekana bira NNV/UNV javnim glasanjem.“ dodaje se tekst koji glasi: „osim ako članovi NNV-a ne odluče da se izjašnjavaju tajnim glasanjem.“.

Obrazloženje: Predloženom dopunom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 41.

(Izmjene člana 120.)

- (1) U članu 120. (Opći i posebni uslovi za izbor dekana) stav (2) koji glasi: „Opći uslovi u smislu prethodnog stava su:
- a) da je državljanin BiH,
 - b) da je stariji od 18 godina
 - c) da protiv kandidata nije potvrđena optužnica za krivično djelo nespojivo s funkcijom rektora,
 - d) da kandidat nije osuđen za krivično djelo.“

mijenja se i glasi:

„(2) Opći uslovi, u smislu prethodnog stava, su:

- a) da je državljanin BiH,
- b) da nije pravosnažno osuđen za krivično djelo sa pravnom posljedicom zabrane vršenja funkcije.“

(2) U istom članu stav (4) koji glasi: „Način dokumentovanja i ispunjenja uslova iz st. (2) i (3) ovoga člana, utvrđuju se odlukom Senata o raspisivanju konkursa.“, stav (5) koji glasi: „Osoba koja se prijavljuje za dekana mora biti u radnom odnosu sa punim radnim vremenom na Univerzitetu u okviru kojeg se nalazi organizaciona jedinica na koju se bira.“ i stav (8) koji glasi: „Za dekana može biti izabran nastavnik u naučno-nastavnom, odnosno umjetničko-nastavnom zvanju redovnog profesora ili vanrednog profesora ili docenta, ukoliko ispunjava zakonske uslove, te koji ispunjava opće uslove, utvrđene u članu 72. stav (2), kao i posebne uslove, utvrđene u članu 72. stav (3) tačka b), c) i d) ovoga Statuta.“ **brišu se**, a stavovi (6) i (7) postaju stavovi (4) i (5) i isti glase:

„(4) Kandidat za dekana dužan je, uz prijavu na konkurs, pored traženih dokaza o ispunjavanju uslova utvrđenih u stavu (2) i (3) ovoga člana, dostaviti i program rada i razvoja fakulteta/akademije za mandatni period.

(5) Odlukom NNV/UNV-a o raspisivanju konkursa, utvrđuje se način dokumentovanja prijave.“

Obrazloženje: Predloženom izmjenom ovog člana vrši se usklađivanje sa odredbama Krivičnog zakona Federacije BiH i u cilju poštivanja principa presumpcije nevinosti, kao i preciziranje teksta u cilju prevazilaženja nepotrebnog ponavljanja.

Član 42.

(Dopuna člana 123.)

Član 123. (Postupak izbora dekana) koji glasi: „Daljnji postupak izbora dekana provode konkursna komisija i NNV/UNV, na način, po postupku i u rokovima, utvrđenim u čl. 73-77. ovoga Statuta.“ mijenja se i glasi: „Postupak izbora dekana provode konkursna komisija i NNV/UNV shodno odredbama u čl. 73. – 77. ovoga Statuta.“

Obrazloženje: Predloženom izmjenom vrši se stilsko uređenje teksta.

Član 43.

(Izmjena člana 124.)

Član 124. (Imenovanje vršioca dužnosti dekana) koji glasi:

„(1) U slučaju da se, po raspisanom konkursu, ne izvrši izbor dekana, NNV/UNV će, bez konkursa, imenovati vršioca dužnosti dekana, iz reda svojih članova, koji su u naučno-nastavnom, odnosno umjetničko-nastavnom zvanju redovnog profesora ili vanrednog profesora ili docenta, na period od najduže 6 (šest) mjeseci, računajući od dana imenovanja.

(2) Prijedlog za vršioca dužnosti, u smislu prethodnog stava, može dati svaki član NNV/UNV-a, s tim što se izbor vrši javnim glasanjem, većinom glasova od ukupnog broja njegovih članova.“

Mijenja se i glasi:

„(1) U slučaju da se, po raspisanom konkursu, ne izvrši izbor dekana, NNV/UNV će, bez konkursa, imenovati vršioca dužnosti dekana, iz reda zaposlenika te organizacione jedinice svojih članova, koji su u naučno-nastavnom, odnosno umjetničko-nastavnom zvanju redovnog profesora ili vanrednog profesora ili docenta, do okončanja ponovnog postupka izbora dekana, a najduže do 6 (šest) mjeseci, računajući od dana imenovanja.

(2) Prijedlog za vršioca dužnosti, u smislu prethodnog stava, može dati svaki član NNV/UNV-a. Izbor se vrši javnim glasanjem osim ako članovi NNV-a, većinom glasova od ukupnog broja njegovih članova, ne odluče da se izjašnjavaju tajnim glasanjem.“

Obrazloženje: Predloženom izmjenom vrši se preciziranje teksta.

Član 44.

(Dopuna člana 126.)

U članu 126. (Djelokrug rada dekana) u stavu (1) u tački c) iza teksta koji glasi: „predlaže i dogovara dnevni red sjednica NNV/UNV-a s predsjedavajućim;“ briše se interpunkcijski znak tačka zarez i dodaje tekst koji glasi: „i sekretarom fakulteta;“.

Obrazloženje: Predloženom dopunom ispravlja se tehnička greška.

Član 45.

(Izmjena naziva i člana 128.)

Naziv člana 128. (Razrješenje dužnosti dekana) mijenja se i glasi: „(Prestanak dužnosti dekana)“.

Član 128. (Razrješenje dužnosti dekana) koji glasi:

(1) NNV/UNV može razriješiti dužnosti dekana i prije isteka perioda na koji je izabran dvotrećinskom većinom, u sljedećim slučajevima:

- a) na lični zahtjev;
- b) ukoliko se utvrdi da je odgovoran za neuspješan ili nezakonit rad fakulteta/akademije;
- c) ako se utvrdi da ima lične i druge interese, koji su u suprotnosti s interesima fakulteta/akademije, te u drugim slučajevima postojanja sukoba interesa;
- d) zbog kršenja odredbi Statuta, drugih općih akata Univerziteta, zakona i drugih propisa, ukoliko je to utvrđeno u posebno provedenom postupku;
- e) ukoliko dekan ne izvršava zadatke predviđene zakonom, drugim propisom ili Statutom, odnosno, izvršava ih protivno njima ili prekorači svoja ovlaštenja;
- f) ako bude pravosnažno osuđen za krivično djelo;
- g) kada svojim ponašanjem povrijedi ugled dužnosti koju vrši, što se mora utvrditi u prethodno provedenom postupku od strane komisije koju imenuje NNV/UNV;
- h) ukoliko izgubi sposobnost obavljanja dužnosti dekana, zbog odsutnosti ili spriječenosti da u periodu, dužem od tri mjeseca, obavlja dužnost dekana;
- i) izborom na neku drugu funkciju nespojivu sa funkcijom dekana;
- j) u drugim slučajevima predviđenim zakonom.

(2) Obrazložen zahtjev za razrješenje dekana, zbog jednog ih više razloga navedenih u stavu

(2) ovog člana, naučno-nastavnom, odnosno umjetničko-nastavnom vijeću može podnijeti Osnivač, Upravni odbor Univerziteta ili rektor Univerziteta.“

mijenja se i glasi:

„(Prestanak dužnosti dekana)

(1) Dužnost dekana prestaje u sljedećim slučajevima:

- a) istekom perioda na koji je imenovan,

- b) na lični zahtjev (ostavka);
 - c) njegovim prijevremenim razrješenjem;
 - d) izborom na neku drugu funkciju nespojivu s funkcijom koju obavlja.
- (2) NNV donosi odluku o prijevremenom razrješenju dekana, ukoliko su ispunjeni sljedeći uslovi:
- a) ukoliko se utvrdi da je odgovoran za neuspješan ili nezakonit rad fakulteta/akademije;
 - b) ako se utvrdi da ima lične i druge interese, koji su u suprotnosti s interesima fakulteta/akademije, te u drugim slučajevima postojanja sukoba interesa;
 - c) ukoliko dekan ne izvršava zadatke predviđene zakonom, drugim propisom ili Statutom, odnosno, izvršava ih protivno njima ili prekorači svoja ovlaštenja;
 - d) ako bude pravosnažno osuđen za krivično djelo s pravnom posljedicom zabrane obavljanja funkcije;
 - e) kada svojim ponašanjem povrijedi ugled dužnosti koju vrši, što se mora utvrditi u prethodno provedenom postupku od strane komisije koju imenuje NNV/UNV;
 - f) ukoliko izgubi sposobnost obavljanja dužnosti dekana, zbog odsutnosti ili sprječenosti da u periodu, dužem od tri mjeseca, obavlja dužnost dekana;
 - g) u drugim slučajevima predviđenim zakonom.
- (3) Obrazložen zahtjev za razrješenje dekana, zbog jednog ih više razloga navedenih u stavu (2) ovog člana, naučno-nastavnom, odnosno umjetničko-nastavnom vijeću može podnijeti Osnivač, Upravni odbor Univerziteta ili rektor Univerziteta.“
- Obrazloženje:** Predloženom izmjenom vrši se usklađivanje sa odredbama Statuta koje se odnose na razrješenje rektora i prorektora.

Član 46. (Izmjena člana 129.)

Član 129. (Odlučivanje NNV/UNV o razrješenju dužnosti dekana) koji glasi: „O prijedlogu za razrješenje dužnosti dekana, kao i u tom slučaju, imenovanju vršioca dužnosti, odlučuje NNV/UNV, na način i po postupku, utvrđenim odredbom člana 85. ovoga Statuta, koji se analogno primjenjuju i na dekana.“ mijenja se i glasi: „O prijedlogu za razrješenje dužnosti dekana, odlučuje NNV/UNV, na način i po postupku, utvrđenim odredbom člana 86. ovoga Statuta, koji se analogno primjenjuju i na dekana.“

Obrazloženje: Predloženom izmjenom vrši se preciziranje teksta.

Član 47. (Izmjena člana 130.)

U članu 130. (Prodekan) stav (2) koji glasi: „ Prodekane imenuje i razrješava dužnosti NNV/UNV javnim glasanjem, na prijedlog dekana.“ mijenja se i glasi: „Na prijedlog dekana prodekane imenuje i razrješava dužnosti NNV/UNV javnim glasanjem osim ako članovi NNV-a ne odluče da se izjašnjavaju tajnim glasanjem.“

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta, kao i stilsko uređenje teksta.

Član 48. (Izmjena člana 134.).

- (1) Naziv člana 134. (Razrješenje dužnosti prodekana) mijenja se i glasi: „Prestanak dužnosti prodekana.“
- (2) U istom članu u stavu (1) brojna oznaka (1) briše se.
- (3) U istom članu stav (2) koji glasi „Prijedlog za razrješenje dužnosti prodekana mogu dati dekan i većina članova NNV/UNV-a“ briše se.

Obrazloženje: Predloženim izmjenama vrši se preciziranje pitanja razrješenja prodekana.

Član 49.

(Dopuna člana 135.)

U članu 135. (Odlučivanje o razrješenju dužnosti prodekana) u stavu (2) iza teksta koji glasi: „O prijedlogu za razrješenje dužnosti prodekana odlučuje NNV/UNV, javnim glasanjem,“ briše se interpunkcijski znak zarez i dodaje tekst koji glasi: „osim ako članovi NNV-a ne odluče da se izjašnjavaju tajnim glasanjem.“

Obrazloženje: Predloženom dopunom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 50.

(Dopuna člana 139.)

U članu 139. (Vijeće studijskih programa) u stavu (3) koji glasi: „Odluku o konstituisanju vijeća studijskog programa, u smislu st. (1) i (2), donosi NNV/UNV fakulteta/akademije, uz prethodno pribavljeno mišljenje Senata.“ se iza riječi Senata briše interpunkcijski znak tačka i dodaje tekst koji glasi: „a za univerzitetske studijske programe odluku donosi Senat.“

Obrazloženje: Predloženom dopunom vrši se preciziranje u donošenju odluka od strane Senata koje se odnose na univerzitetske sudske programe.

Član 51.

(Izmjena člana 141.)

U članu 141. (Nadležnosti vijeća studijskog programa) u stav (2) koji glasi: „Vijeće studijskog programa svoje odluke donosi javnim glasanjem, osim za ona pitanja za koja je ovim Statutom ili drugim općim aktom, utvrđeno da odlučuje javnim glasanjem.“ mijenja se i glasi: „Vijeće studijskog programa svoje odluke donosi javnim glasanjem, osim za ona pitanja za koja je ovim Statutom ili drugim općim aktom, utvrđeno da odlučuje tajnim glasanjem.“

Obrazloženje: Predloženom izmjenom vrši se ispravka tehničke greške.

Član 52.

(Izmjena člana 142.)

Član 142. (Šef studijskog programa) koji glasi:

„(1) Vijećem studijskog programa rukovodi šef studijskog programa.
(2) Šefa studijskog programa imenuje i razrješava dužnosti NNV/UNV, na prijedlog dekana, na period od 4 (četiri) godine, iz reda nastavnika izabralih u naučno-nastavna, odnosno umjetničko-nastavna zvanja, koji su u radnom odnosu na Univerzitetu s punim radnim vremenom. Izuzetno od navedenog šef studijskog programa na Medicinskom fakultetu može biti osoba koja je

u radnom odnosu na Univerzitetu sa minimalno 20% radnog vremena.

(3) Ista osoba se može imenovati na dva uzastopna mandata.

(4) Odlukom o imenovanju NNV/UNV, u skladu s ovim Statutom i drugim općim aktima Univerziteta, određuje se djelokrug rada šefa studijskog programa, koji je za svoj rad odgovoran prodekanima i dekanu fakulteta/akademije.“

mijenja se i glasi:

„(1) Vijećem studijskog programa rukovodi šef studijskog programa.
(2) Šefa studijskog programa imenuje i razrješava dužnosti Senat na prijedlog rektora uz konsultacije sa dekanom, na period od 4 (četiri) godine, iz reda nastavnika izabralih u naučno-nastavna, odnosno umjetničko-nastavna zvanja, koji su u radnom odnosu na Univerzitetu s punim radnim vremenom. Izuzetno od navedenog šef studijskog programa na

Medicinskom fakultetu može biti osoba koja je u radnom odnosu na Univerzitetu sa minimalno 20 % radnog vremena.

- (3) Ista osoba se može imenovati na dva uzastopna mandata.
- (4) Za svoj rad šef studijskog programa odgovara dekanu, rektoru i Senatu Univerziteta.
- (5) Mandat šefa studijskog programa prestaje u slučaju isteka vremena na koje je isti imenovan.
- (6) Na obrazložen prijedlog rektora Senat može i prije vremena razriješiti šefa studijskog programa o čemu se donosi posebna odluka.

Obrazloženje: Predloženim izmjenama vrši se usklađivanje odredbi koje se odnose na šefa studijskog programa sa odredbama člana 49. Statuta koje se odnose na šefa katedre.

Član 53.

(Izmjena naziva i člana 143.)

- (1) Naziv člana 143. (Nadležnosti rada šefa studijskog programa) mijenja se i glasi: „Djelokrug rada šefa studijskog programa“.
- (2) U istom članu stav (2) koji glasi: „Šef studijskog programa može biti razriješen dužnosti, na prijedlog najmanje jedne trećine članova vijeća studijskih programa, dekana i natpolovične većine od ukupnog broja članova NNV/UNV-a, iz analogno primijenjenih razloga koji su sadržani u članu 128. stav (1) ovoga Statuta.“ briše se.

Obrazloženje: Predloženim izmjenama vrši se usklađivanje sa odredbama člana 142. Statuta.

Član 54.

(Izmjene člana 145.)

- (1) U članu 145. (Naučno vijeće) stav (3) koji glasi: „Mandat članova Naučnog vijeća iz reda istraživača traje 4 (četiri) godine.“ Zamjenjuje se novim stavom koji glasi: „Na početku svake kalandarske godine se konstituiše sastav NV Instituta.“
- (2) U istom članu u stavu (5) koji glasi: „Predsjedavajući se bira iz reda članova NV-a, s tim da direktor Instituta ne može biti imenovan za predsjedavajućeg.“ mijenja se i glasi: „Predsjedavajući se bira iz reda članova NV-a na period od 4 godine i može biti dva puta uzastopno imenovan, s tim da direktor Instituta ne može biti imenovan za predsjedavajućeg.“.

Obrazloženje: Predloženim izmjenama vrši se preciziranje sastava i rada NV-a Instituta.

Član 55.

(Izmjena člana 151.)

U članu 151. (Izbor direktora) u stavu (2) koji glasi: „Direktora Instituta bira NV, javnim glasanjem, nakon provedene procedure javnog konkursa.“ briše se interpunkcijski znak tačka i dodaje dio teksta koji glasi: „osim ako članovi NV-a ne odluče da se izjašnjavaju tajnim glasanjem.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 56.

(Izmjena člana 152.)

U članu 152. (Opći i posebni uslovi za izbor direktora) stav (4) koji glasi: „ Za vrijeme trajanja mandata, ukoliko nije u takvom statusu, direktor uspostavlja radnopravni status na Univerzitetu s punim radnim vremenom.“ briše se.

Obrazloženje: Predloženom izmjenom vrši se usklađivanje sa odredbom člana 152. stav (1) i članom 72. stav (3) tačka d) Statuta.

Član 57.

(Izmjena člana 155.)

U članu 155. (Provođenje postupka izbora direktora) koji glasi: „ Daljnji postupak izbora direktora Instituta provode konkursna komisija i NV, na način, po postupku i u rokovima, utvrđenim u čl. 73.-77. ovoga Statuta, koji se analogno primjenjuju i na pitanja izbora direktora Instituta, izuzev odredaba koje se odnose na pribavljanje saglasnosti Vlade Kantona.“ Iza riječi Instituta interpunkcijski znak zarez zamjenjuje se interpunkcijskim znakom tačka, a dio teksta koji glasi: „izuzev odredaba koje se odnose na pribavljanje saglasnosti Vlade Kantona.“ briše se.

Obrazloženje: Predloženom izmjenom vrši se ispravka tehničke greške.

Član 58.

(Izmjena člana 156.)

U članu 156. (Imenovanje vršioca dužnosti direktora) u stavu (2) koji glasi: „Prijedlog za vršioca dužnosti, u smislu prethodnog stava, može dati svaki član NV-a, s tim što se izbor vrši javnim glasanjem, većinom glasova od ukupnog broja njegovih članova.“ briše se interpunkcijski znak tačka i dodaje dio teksta koji glasi: „osim ako članovi NV-a ne odluče da se izjašnjavaju tajnim glasanjem,“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 59.

(Izmjena člana 157.)

U članu 157. (Djelokrug rada direktora Instituta) stav (1) koji glasi:

„ Direktor Instituta obavlja poslove utvrđene zakonom, ovim Statutom i drugim općim aktima, a naročito:

- c) organizuje i rukovodi radom Instituta;
- d) predstavlja Institut i odgovoran je za njegov rad;
- e) zastupa Institut u okviru registrovane djelatnosti i po ovlaštenju rektora;
- f) predlaže i dogovara dnevni red sjednica NV-a s predsjedavajućim;
- g) predlaže rektoru unutrašnju organizaciju i sistematizaciju radnih mesta Instituta;
- h) predlaže rektoru osnove poslovne politike, program rada i plan razvoja, uz preduzimanje odgovarajućih mera za njihovo sprovođenje;
- i) predlaže Senatu Univerziteta promjenu i proširivanje djelatnosti Instituta;
- j) organizuje naučnoistraživački i stručni rad na Institutu i predlaže mjere za njegovo poboljšanje;
- k) predlaže rektoru zasnivanje i prestanak radnog odnosa zaposlenika Instituta;
- l) predlaže koeficijente kvaliteta za obračun plaće zaposlenika organizacione jedinice;
- m) predlaže mjere te, uz prethodnu saglasnost rektora Univerziteta, odlučuje o stručnom obrazovanju i usavršavanju zaposlenika Instituta;
- n) odlučuje o upućivanju zaposlenika na službeni put u zemlji i inostranstvu, uz prethodnu saglasnost rektora;
- o) predlaže rektoru cjenovnik usluga Instituta za treća lica;
- p) imenuje predstavnike Instituta u druge organizacije i institucije, uz saglasnost rektora;
- q) preduzima mjere u oblasti zaštite na radu, zaštite na unapređenju životne okoline, u skladu sa zakonom i općim aktima Univerziteta i Instituta;
- r) podnosi rektoru godišnji izvještaj o svom radu, te radu i poslovanju Instituta;

- s) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi s radnim odnosom na Institutu u skladu sa Statutom i općim aktima;
- t) izvršava odluke Senata, Upravnog odbora i rektora;
- u) predlaže korištenje vlastitih sredstava Instituta, u skladu s zakonskim propisima;
- v) raspolaže finansijskim sredstvima Instituta u pojedinačnom iznosu do 8.000,00 KM uz saglasnost rektora;
- w) naredbodavac je za izvršenje finansijskog plana koji se odnosi na Institut, u skladu sa
- x) Statutom;
- y) obavlja druge poslove, utvrđene zakonom, ovim Statutom i drugim općim aktima.“

mijenja se i glasi:

„Direktor Instituta obavlja poslove utvrđene zakonom, ovim Statutom i drugim općim aktima, a naročito:

- a) organizuje i rukovodi radom Instituta;
- b) predstavlja Institut i odgovoran je za njegov rad;
- c) zastupa Institut u okviru registrovane djelatnosti i po ovlaštenju rektora;
- d) donosi pojedinačne akte u skladu sa zakonom i Statutom Univerziteta;
- e) predlaže i dogovara dnevni red sjednica NV-a s predsjedavajućim;
- f) predlaže rektoru unutrašnju organizaciju i sistematizaciju radnih mesta Instituta;
- g) predlaže rektoru osnove poslovne politike, program rada i plan razvoja, uz preduzimanje odgovarajućih mjera za njihovo sprovođenje;
- h) predlaže Senatu Univerziteta promjenu i proširivanje djelatnosti Instituta;
- i) organizuje naučnoistraživački i stručni rad na Institutu i predlaže mjere za njegovo poboljšanje;
- j) predlaže rektoru zasnivanje i prestanak radnog odnosa zaposlenika Instituta;
- k) predlaže mjere te, uz prethodnu saglasnost rektora Univerziteta, odlučuje o stručnom obrazovanju i usavršavanju zaposlenika Instituta;
- l) odlučuje o upućivanju zaposlenika na službeni put u zemlji i inostranstvu, uz prethodnu saglasnost rektora;
- m) predlaže rektoru cjenovnik usluga Instituta za treća lica;
- n) imenuje predstavnike Instituta u druge organizacije i institucije, uz saglasnost rektora;
- o) preduzima mjere u oblasti zaštite na radu, zaštite na unapređenju životne okoline, u skladu sa zakonom i općim aktima Univerziteta i Instituta;
- p) podnosi rektoru godišnji izvještaj o svom radu, te radu i poslovanju Instituta;
- r) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi s radnim odnosom na Institutu u skladu sa Statutom i općim aktima;
- s) izvršava odluke Senata, Upravnog odbora i rektora;
- t) predlaže korištenje vlastitih sredstava Instituta, u skladu s zakonskim propisima;
- u) raspolaže finansijskim sredstvima Instituta u pojedinačnom iznosu do 8.000,00 KM uz saglasnost rektora;
- v) naredbodavac je za izvršenje finansijskog plana koji se odnosi na Institut, u skladu sa
- Statutom;
- z) obavlja druge poslove, utvrđene zakonom, ovim Statutom i drugim aktima.“

Obrazloženje: Predloženom izmjenom vrši se dopuna tačkom d) i ispravka tehničke greške u numerisanju tačaka navedenog stava.

Član 60. **(Izmjena člana 158.)**

Član 158. (Odgovornost direktora za zakonitost rada) koji glasi: „Direktor Instituta odgovoran je za zakonitost rada Instituta; za svoj rad u domenu naučnih i stručnih pitanja odgovara NV-u i rektoru, a u domenu finansijskog poslovanja rektoru.“

mijenja se i glasi:

„(1) Direktor Instituta odgovoran je za zakonitost rada Instituta.

(2) Za svoj rad u domenu naučnih i stručnih pitanja odgovara NV-u i rektoru, a u domenu finansijskog poslovanja rektoru.“

Obrazloženje: Predloženom izmjenom vrši se razdvajanje člana na dva stava istog teksta.

Član 61. **(Dopuna člana 159.)**

U članu 159. (Razrješenje dužnosti direktora Instituta) u stavu (1) koji glasi: „NV može razriješiti dužnosti direktora Instituta dvotrećinskom većinom i prije isteka perioda na koji je izabran, i to iz razloga utvrđenih u članu 128. stav (1) ovoga Statuta, koji se analogno primjenjuju i na direktora Instituta.“ vrši dopuna tako da se iza teksta „dvotrećinskom većinom“ dodaje tekst koji glasi: „od ukupnog broja članova NV-a“.

Obrazloženje: Predloženom dopunom vrši se preciziranje načina odlučivanja NV Instituta.

Član 62. **(Dopuna člana 160.)**

U članu 160 (Direktor Studentskog centra) stav (1) koji glasi:

„ Direktor Studentskog centra je organ rukovođenja ovom organizacionom jedinicom Univerziteta, koji obavlja poslove utvrđene zakonom, ovim Statutom i drugim općim aktima, a naročito:

- a) organizuje i rukovodi radom Studentskog centra;
- b) predstavlja Studentski centar i odgovoran je za njegov rad;
- c) zastupa Studentski centar u okviru registrovane djelatnosti i po ovlaštenju rektora;
- d) predlaže rektoru unutrašnju organizaciju i sistematizaciju radnih mesta Studentskog centra;
- e) predlaže korištenje vlastitih sredstava organizacione jedinice u skladu s zakonskim propisima;
- f) raspolaze finansijskim sredstvima Studentskog centra u pojedinačnom iznosu do 8.000,00 KM;
- g) vrši kompetencije naredbodavca za izvršenje finansijskog plana koji se odnosi na Studentski centar;
- h) predlaže promjene i proširenja djelatnosti i organizacije Studentskog centra;
- i) predlaže mјere za poboljšanje i unapređenje procesa rada u Studentskom centru;
- j) predlaže Upravnom odboru Univerziteta raspisivanje konkursa za prijem studenata na ishranu i smještaj u Studentski centar Univerziteta;
- k) provodi odluke, zaključke i druge akte nadležnih organa, u skladu sa zakonom, ovim Statutom i drugim općim aktima Univerziteta; te
- l) obavlja i druge poslove utvrđene zakonom, ovim Statutom i drugim općim aktima Univerziteta.“

mijenja se i glasi:

„Direktor Studentskog centra je organ rukovođenja ovom organizacionom jedinicom Univerziteta, koji obavlja poslove utvrđene zakonom, ovim Statutom i drugim općim aktima, a naročito:

- a) organizuje i rukovodi radom Studentskog centra;

- b) predstavlja Studentski centar i odgovoran je za njegov rad;
- c) zastupa Studentski centar u okviru registrovane djelatnosti i po ovlaštenju rektora;
- d) donosi pojedinačne akte u skladu sa zakonom i Statutom Univerziteta;
- e) odlučuje u prvom stepenu pojedinačnim pravima obavezama i odgovornostima uposlenika iz radnog odnosa ili u vezi sa radnim odnosom u studentskom centru;
- f) predlaže rektoru unutrašnju organizaciju i sistematizaciju radnih mjesta Studentskog centra;
- g) predlaže korištenje vlastitih sredstava organizacione jedinice u skladu s zakonskim propisima;
- h) raspolaze finansijskim sredstvima Studentskog centra u pojedinačnom iznosu do 8.000,00 KM;
- i) vrši kompetencije naredbodavca za izvršenje finansijskog plana koji se odnosi na Studentski centar;
- j) predlaže promjene i proširenja djelatnosti i organizacije Studentskog centra;
- k) predlaže mjere za poboljšanje i unapređenje procesa rada u Studentskom centru;
- l) predlaže Upravnom odboru Univerziteta raspisivanje konkursa za prijem studenata na ishranu i smještaj u Studentski centar Univerziteta;
- m) provodi odluke, zaključke i druge akte nadležnih organa, u skladu sa zakonom, ovim Statutom i drugim općim aktima Univerziteta; te
- n) obavlja i druge poslove utvrđene zakonom, ovim Statutom i drugim općim aktima Univerziteta.“

Obrazloženje: Predloženom izmjenom vrši se dopuna tačkom d), kao i izmjena numerisanja tačaka navedenog stava.

Član 63. (Izmjena i dopuna člana 161.)

Član 161. (Izbor direktora) koji glasi:

- „(1) Direktora Studentskog centra bira Upravni odbor Univerziteta, a na osnovu javnog konkursa.
- (2) Direktor Studentskog centra bira se javnim glasanjem na mandatni period od 4 (četiri) godine.
- (3) Ista osoba se može imenovati na dva uzastopna mandata.
- (4) Za direktora Studentskog centra može biti izabrano lice koje, pored općih zakonskih uslova, ima visoku stručnu spremu i najmanje tri godine radnog iskustva na odgovarajućim rukovodećim poslovima.“

mijenja se i glasi:

- „ (1) Direktora Studentskog centra bira Upravni odbor Univerziteta, a na osnovu javnog konkursa.
- (2) Direktor Studentskog centra bira se javnim glasanjem osim ako članovi Upravnog odbora odluče da se izjašnjavaju tajnim glasanjem,
- (3) Direktor se bira na mandatni period od 4 (četiri) godine i može biti ponovo izabran.
- (4) Ista osoba se može imenovati na dva uzastopna mandata.
- (5) Za direktora Studentskog centra može biti izabrano lice koje, pored općih zakonskih uslova, ima visoku stručnu spremu i najmanje tri godine radnog iskustva na odgovarajućim rukovodećim poslovima.“

Obrazloženje: Predloženom izmjenom i dopunom vrši se dopuna kao i izmjena numerisanja stavova navedenog člana.

Član 64. (Izmjena i dopuna člana 164.)

U članu 164. (Opći i posebni uslovi za izbor direktora) u stavu (1) tačke e) i f) koje glase:

- „e) da protiv kandidata nije potvrđena optužnica za krivično djelo nespojivo s funkcijom direktora;
f) da kandidat nije osuđen za krivično djelo.“ brišu se, a dodaje se nova tačka e) koja glasi: „da nije pravosnažno osuđen za krivično djelo sa pravnom posljedicom zabrane vršenja funkcije.“.

Obrazloženje: Predloženom izmjenom vrši se usklađivanje sa odredbama Krivičnog zakona Federacije BiH i u cilju poštivanja principa presumpcije nevinosti, te preciziranje teksta u cilju prevazilaženja nepotrebnog ponavljanja.

Član 65. (Izmjena člana 166.)

U članu 166. (Izborna sjednica) stavovi (3) i (4) koji glase:

- „(3) Kandidati za direktora na izbornoj sjednici Upravnog odbora Univerziteta obavezno izlažu svoj program rada i razvoja Studentskog centra, s tim da svaki član Upravnog odbora Univerziteta može tražiti dopunska obrazloženja u vezi s ponuđenim programom.
(4) Nakon zaključene rasprave konkursna komisija utvrđuje listu kandidata za izbor direktora po abecednom redu početnih slova prezimena kandidata.“

mijenjaju se i glase:

- „(3) Kandidati iz stava (2) ovog člana na izbornoj sjednici Upravnog odbora Univerziteta obavezno izlažu svoj program rada i razvoja Studentskog centra, s tim da svaki član Upravnog odbora Univerziteta može tražiti dopunska obrazloženja u vezi s ponuđenim programom.
(4) Nakon zaključene rasprave Upravni odbor utvrđuje listu kandidata za izbor direktora po abecednom redu početnih slova prezimena kandidata.“

Obrazloženje: Predloženim izmjenama vrši se usklađivanje i preciziranje teksta.

Član 66. (Izmjena člana 167.)

U članu 167. (Odlučivanje o izboru direktora) u stavu (2) koji glasi: „Upravni odbor Univerziteta odlučuje o izboru i imenovanju direktora javnim glasanjem.“ briše se interpunkcijski znak tačka i dodaje dio teksta koji glasi: „osim ako članovi Upravnog odbora ne odluče da se izjašnjavaju tajnim glasanjem.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 67. (Izmjena člana 170.)

U članu 170. (Vršilac dužnosti direktora) u stavu (2) koji glasi: „Prijetlog za vršioca dužnosti, u smislu prethodnog stava, može dati rektor i svaki član Upravnog odbora, s tim što se izbor vrši javnim glasanjem većinom glasova od ukupnog broja članova Upravnog odbora.“ briše se interpunkcijski znak zarez i dodaje dio teksta koji glasi: „osim ako članovi Upravnog odbora ne odluče da se izjašnjavaju tajnim glasanjem.“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 68.

(Izmjena člana 172.)

U članu 170. (Odlučivanje o razrješenju dužnosti direktora) vrši se izmjena brojne oznake člana i isti postaje „172“.

U istom članu u stavu (1) koji glasi:“ O prijedlogu za razrješenje dužnosti direktora Studentskog centra, Upravni odbor odlučuje javnim glasanjem, a za donošenje pravovaljane odluke potrebna je dvotrećinska većina glasova od ukupnog broja njegovih članova.“ briše se interpunkcijski znak zarez i dodaje dio teksta koji glasi: „osim ako članovi Upravnog odbora ne odluče da se izjašnjavaju tajnim glasanjem,“.

Obrazloženje: Predloženom izmjenom uvodi se mogućnost i drugog načina odlučivanja osim javnog glasanja u postupcima odlučivanja od strane svih organa Univerziteta.

Član 69.

(Izmjena člana 174.)

U članu 174. (Ciklusi univerzitskih studija) u stavu (4) riječ koja glasi: „dualnom“ zamjenjuje se riječju koja glasi: „zajedničkom“.

Obrazloženje: Predloženom izmjenom vrši se ispravka tehničke greške.

Član 70.

(Dopuna člana 175.)

U članu 175. (Studijski programi) iza stava (4) dodaje se novi stav (5) koji glasi: „ Na Univerzitetu se mogu organizirati zajednički studijski programi studija prvog, drugog i trećeg ciklusa iz naučnih, odnosno umjetničkih oblasti, za koje su fakulteti / akademije / visoke škole matični, što se definiše posebnim aktom Senata.“.

Obrazloženje: Predloženom dopunom vrši se preciziranje zajedničkog studijskog programa.

Član 71.

(Izmjena člana 176.)

U članu 176. (Studij prvog ciklusa) stav (2) koji glasi: „Diplomski studij se, u pravilu, organizuje za redovne studente, ali se može organizovati i kao vanredni studij, studij putem učenja na daljinu, kao i kombinovanjem navedenih načina studiranja.“ briše se.

Obrazloženje: Predloženom izmjenom vrši se uređenje teksta.

Član 72.

(Izmjena člana 180.)

U članu 180. (Ugovor o studiranju) u tački e) riječ „važnosti“ zamjenjuje se riječju „važenja“.

Obrazloženje: Predloženom izmjenom vrši se uređenje teksta.

Član 73.

(Dopuna člana 184.)

U članu 184. (Izmjene i dopune nastavnih planova i programa) u stavu (3) koji glasi: „Radi aktueliziranja naučnih činjenica koje ne dopuštaju primjenu važećeg nastavnog programa, matične katedre, na prijedlog predmetnog nastavnika, mogu izvršiti izmjene i dopune nastavnog programa, i to najviše do 20 % sadržaja.“ briše se interpunkcijski znak tačka i dodaje tekst koji glasi: „o čemu konačnu odluku donosi NNV/UNV.“.

Obrazloženje: Predloženom dopunom vrši se preciziranje organa koji odlučuje.

Član 74.

(Izmjena člana 187.)

U članu 187. (Prostor za realizaciju nastave) stav (2) koji glasi: „Dio nastave može se izvoditi i u odgovarajućim naučnoistraživačkim organizacijama, laboratorijama, zdravstvenim ustanovama i poslovnim subjektima, javnim ustanovama svih nivoa obrazovanja, institucijama vlasti, vladinim organima i institucijama, pravosudnim institucijama/ustanovama, nevladinim organizacijama, medijskim subjektima, te u drugim institucijama, ukoliko za to postoje odgovarajući uslovi.“.

mijenja se i glasi:

„Dio nastave može se izvoditi i u odgovarajućim naučnoistraživačkim organizacijama, laboratorijama, zdravstvenim ustanovama, u prostorijama poslovnih subjekata, javnim ustanovama svih nivoa obrazovanja, kulturnim ustanovama, institucijama vlasti, vladinim organima i institucijama, pravosudnim institucijama/ustanovama, nevladinim organizacijama, medijskim subjektima, te u drugim institucijama, ukoliko za to postoje odgovarajući uslovi.“

Obrazloženje: Predloženom izmjenom vrši se preciziranje teksta.

Član 75.

(Izmjena i dopuna naziva člana 190.)

Naziv člana 190. (Opterećenje studenata) mijenja se i glasi: „Optimalno opterećenje studenata“.

Obrazloženje: Predloženom izmjenom i dopunom vrši se ispravka tehničke greške.

Član 76.

(Dopuna člana 203.)

U članu 203. (Javnost ispita) u stavu (2) koji glasi: „(2) Ukoliko za to postoje opravdani razlozi, provjera znanja može uslijediti i online.“ Briše se interpunkcijski znak tačka i dodaje tekst koji glasi: „na osnovu odluke NNV/UNV.“.

Obrazloženje: Predloženom dopunom vrši se preciziranje organa koji odlučuje.

Član 77.

(Izmjene člana 206.)

(1) U članu 206. (Obnova godine) u stavu (2) koji glasi: „Student iz stava (1) ovog člana može iz nepoloženih nastavnih predmeta ponovo slušati nastavu, pri čemu se organizacija nastave u tom slučaju definije odlukom NNV/UNV-a u zavisnosti od raspoloživih resursa fakulteta Univerziteta.“ mijenja se i glasi: „Student iz stava (1) ovog člana može iz nepoloženih nastavnih predmeta ponovo slušati nastavu.“.

(2) U istom članu stav (3) koji glasi: „Student koji obnavlja studijsku godinu obavezan je platiti naknadu za obavljanje ispita prilikom svakog ponovnog polaganja završnog ili popravnog ispita iz predmeta, u godini koju obnavlja, u visini koju utvrdi Senat.“ briše se.

Obrazloženje: Predloženim izmjenama vrši se usklađivanje teksta.

Član 78.

(Izmjene brojne oznake člana 211.)

Brojna oznaka člana 211. (Pravilnik o organizovanju I (prvog), II (drugog) i III (trećeg) ciklusa studija) zamjenjuje se brojnom oznakom 209.

Obrazloženje: Predloženom izmjenom vrši se ispravka tehničke greške.

Član 79.

(Izmjena člana 210.)

U članu 210. (Studij drugog ciklusa) stav (2) koji glasi: „Magistarski studij se organizuje i izvodi za redovne, ali i za vanredne studente, kao i za studente učenjem na daljinu ili kombinovanjem sva tri načina studiranja.“ briše se, a stav (3) postaje stav (2).

Obrazloženje: Predloženom izmjenom vrši se usklađivanje teksta.

Član 80.

(Izmjene člana 212.)

U članu 212. (ECTS bodovi jednogodišnjeg i dvogodišnjeg magistarskog studija) u stavu (1) koji glasi: „Cjelokupni jednogodišnji magistarski studij, uključujući završni magistarski rad, vrednuje se s ukupno 60 ECTS bodova, a dvogodišnji postdiplomski studij s ukupno 120 ECTS bodova, ukoliko isto nije regulisano na drugačiji način posebnim sporazumom zaključenim u okviru dualnog studijskog programa“ mijenja se riječ „dualnog“ riječju „zajedničkog“.

U istom članu stav (5) koji glasi: „Ukoliko je riječ o dulnom studiju, način vrednovanja može biti drugačiji od navedenih pravila, a poštujući pravila drugog fakulteta i sporazuma“, riječ dualnom se mijenja riječju „zajedničkom“.

Obrazloženje: Predloženom izmjenom vrši se usaglašavanje terminologije.

Član 81.

(Izmjene člana 213.)

U članu 213. (Zajednički studijski programi studija) stav (1) koji glasi: „Univerzitet može učestvovati u organizovanju i izvođenju zajedničkog studijskog programa magistarskog studija s drugim visokoškolskim ustanovama koje su matične za odgovarajući studijski program, o čemu odluku donosi Senat, a na prijedlog fakulteta/akademije koja je matična za određeni zajednički studijski program.“ mijenja se i glasi: „Univerzitet može učestvovati u organizovanju i izvođenju zajedničkog studijskog programa magistarskog studija s drugim visokoškolskim ustanovama o čemu odluku donosi Senat, a na prijedlog fakulteta/akademije za određeni zajednički studijski program.“

Obrazloženje: Predloženom izmjenom vrši se usklađivanje teksta.

Član 82.

(Izmjena člana 214.)

U članu 214. (Prijava za odobrenje teme magistarskog rada) u stavu (1) riječ „dotični“ zamjenjuje se riječju „predmetni“.

Obrazloženje: Predloženom izmjenom vrši se usklađivanje teksta.

Član 83.

(Brisanje člana 220.)

Član 220. (Jezik) koji glasi: „Magistarski rad treba biti napisan na jednom od službenih jezika BiH ili na jednom od svjetskih jezika.“ briše se.

Obrazloženje: Predloženom izmjenom vrši se prevazilaženje ponavljanja teksta.

Član 84.

(Izmjena člana 232.)

U članu 232. (Postupak osporavanja/oduzimanja stečenog naučnog stepena magistra) u stavu (3) brojna oznaka „224.“ zamjenjuje se brojom oznakom „221.“.

Obrazloženje: Predloženom izmjenom vrši se ispravka tehničke greške.

Član 85.

(Izmjena člana 233.)

U članu 233. (Izvještaj komisije) u stavu (1) riječ „odgovarajuću“ zamjenjuje se riječju „donošenje“.

Obrazloženje: Predloženom izmjenom vrši se ispravka tehničke greške.

Član 86.

(Izmjena člana 238.)

U članu 238. (Postupak dodjele počasnog doktorata) u stavu (1) riječ „obrazuje“ zamjenjuje se riječju „formira“.

Obrazloženje: Predloženom izmjenom vrši se stilsko uređenje teksta.

Član 87.

(Izmjena člana 240.)

Član 240. (Status studenta) koji glasi: „Status studenta dodiplomskog, postdiplomskog i doktorskog studija, stiče se upisom na redovni, vanredni ili studij učenjem na daljinu, ili kombinacijom ova tri načina studiranja.“ mijenja se i glasi:

„(1) Status studenta dodiplomskog, postdiplomskog i doktorskog studija, stiče se upisom na redovni ili vanredni studij.

(2) Način organizovanja redovnog i vanrednog studija detaljnije se reguliše Pravilnikom o organizovanju dodiplomskog, magistarskog i doktorskog studija.“

Obrazloženje: Predloženom izmjenom vrši se preciziranje navedenog pitanja.

Član 88.

(Izmjena i dopuna člana 241.)

(1) U članu 241. (Vrste statusa studenta) stav (3) koji glasi: „Status iz tačke a) stava (1) ovoga člana, može steći (u narednoj akademskoj godini) i onaj student koji je upisan u prvu godinu, uz samostalno finansiranje, na upisanom studijskom programu, u toku akademske godine, po osnovu položenih ispita, ostvario 60 ECTS bodova (odnosno položio ispite iz svih nastavnih predmeta te godine studija) i ostvario prosječnu ocjenu najmanje 8 (osam).“ mijenja se i glasi: „Status redovnog studenta koji se finansira iz budžeta, može se steći (u narednoj akademskoj godini) ukoliko je student ostvario 60 ECTS bodova (odnosno položio ispite iz svih nastavnih predmeta prethodne godine studija) i ostvario prosječnu ocjenu najmanje 8 (osam).“.

(2) U istom članu iza stava (4) dodaje se novi stav (5) koji glasi: „Redovni student koji se finansira iz budžeta kao i onaj koji se samostalno finansira, može promijeniti status u vanrednog studenta ukoliko fakultet ima organizovan vanredni studij, a o čemu odluku donosi dekan.“, a dosadašnji stav (5) postaje stav (6).

Obrazloženje: Predloženom izmjenom i dopunom vrši se preciziranje pitanje vrste statusa studenta.

Član 89.

(Dopuna člana 243.)

U članu 243. (Prestanak statusa studenta) u stavu (2) koji glasi:“ Status redovnog studenta, osim u slučajevima iz prethodnog stava, prestaje i studentu koji 2 (dva) puta obnovi istu studijsku godinu i ne stekne uslov za upis u narednu godinu studija kao i studentu prvog ciklusa koji zasnuje radni odnos.“ Zamjenjuje se interpunkcijski znak tačka sa interpunkcijskim znakom zarez i dodaje dio teksta koji glasi: „a o čemu je obavezan pisanim putem obavijestiti studentsku službu.“.

Obrazloženje: Predloženom dopunom vrši se preciziranje obaveze studenta.

Član 90.

(Izmjena člana 244.)

U članu 244. (Ponovno sticanje statusa studenta) stav (2) koji glasi: „Pravo na ponovno sticanje statusa studenta, u smislu prethodnog stava, student može koristiti samo jednom u toku studija.“ briše se, a stavovi (3) i (4) postaju stavovi (2) i (3).

Obrazloženje: Predloženom izmjenom ukida se ograničavajuća odredba u pravu ponovnog sticanja statusa studenta.

Član 91.

(Izmjena člana 245.)

Član 245. (Mirovanje statusa studenta) koji glasi:

„(1) Prava i obaveze studenta mogu mirovati najviše jednu akademsku godinu.

(2) Zahtjev za mirovanje prava i obaveza podnosi se prije početka akademske godine.

(3) Postojanje opravdanih razloga za ostvarivanje mirovanja prava i obaveza student dokazuje valjanim ispravama izdatim od nadležnih zdravstvenih ustanova ili drugih ustanova relevantnih za svaki konkretni slučaj.

(4) Odluku po obrazloženom zahtjevu studenta za mirovanje prava i obaveza donosi dekan fakulteta/akademije, o čemu se u indeks i matičnu evidenciju studenta unosi odgovarajuća zabilješka.

(5) Po prestanku razloga zbog kojih je zatražio mirovanje, student nastavlja studij prema važećem

studijskom programu.“

mijenja se i glasi:

„ (1) Prava i obaveze studenta mogu mirovati ako za to postoje opravdani razlozi.

(2) Odluku po obrazloženom zahtjevu studenta za mirovanje prava i obaveza donosi dekan fakulteta/akademije, o čemu se u indeks i matičnu evidenciju studenta unosi odgovarajuća zabilješka.

(3)Po prestanku razloga zbog kojih je zatražio mirovanje, student nastavlja studij prema važećem studijskom programu.“

Obrazloženje: Predloženom izmjenom precizira se pitanje mirovanja statusa studenta.

Član 92.

(Izmjena člana 247.)

(1) U članu 247. (Prelazak s drugog univerziteta) stav (1) koji glasi: „Studenti drugih univerziteta mogu prijeći i nastaviti odgovarajući studij na Univerzitetu, u kojem slučaju mu se priznaju položeni ispiti u cijelosti, ukoliko postoji istovjetnost i/ili srodnost nastavnih programa, odnosno njihovog sadržaja i obima.“ mijenja se i glasi: „Studenti drugih univerziteta mogu preći i nastaviti odgovarajući studij na Univerzitetu, pod uslovima da se kandidatu prelazniku mogu priznati najmanje 2 (dva) ispita položena na studijskom programu s kojeg prelazi, ukoliko postoji istovjetnost i/ili srodnost nastavnih programa, odnosno njihovog sadržaja i obima.“

(2) U istom članu u stavu (3) riječ „prijelazniku“ zamjenjuje se riječju „prelazniku“.

Obrazloženje: Predloženom izmjenom vrši se usklađivanje položaja prelaznika s drugih univerziteta i prelaznika unutar Univerziteta, kao i stilsko uređenje teksta.

Član 93.

(Izmjena člana 248.)

U članu 248. (Zahtjev za prelazak) u stavu (1) brojna oznaka „15“ zamjenjuje se brojnom oznakom „30“.

Obrazloženje: Predloženom izmjenom vrši se produženje roka za podnošenje zahtjeva za prelazak.

Član 94.

(Izmjena člana 250.)

U članu 250. (Prelazak s jednog programa studija na drugi, unutar Univerziteta) riječ „prijeđaz“ zamjenjuje se riječju „prelaz“, a riječ „može“ zamjenjuje se riječju „mogu“.

Obrazloženje: Predloženom izmjenom vrši se stilsko uređenje teksta.

Član 95.

(Izmjena člana 254.)

U članu 254. (Završetak studija prije utvrđenog roka) stav (1) koji glasi:

„(1) Studenti koji postižu izvanredne rezultate u savladavanju studijskog programa, odnosno obaveza utvrđenih nastavnim planom i nastavnim programima, mogu da završe studij prije utvrđenog roka, na način utvrđen Pravilnikom o dodiplomskom, magistarskom i doktorskom studiju, pod sljedećim uslovima:

- a) da su položili sve ispite iz prethodne (kada se radi o studentima druge godine), odnosno prethodnih godina studija (kada se radi o studentima treće godine); te
- b) da su ostvarili ukupnu prosječnu ocjenu iz svih predmeta, 8 (osam) i više.

mijenja se i glasi:

„(1) Studenti koji postižu izvanredne rezultate u savladavanju studijskog programa, odnosno obaveza utvrđenih nastavnim planom i nastavnim programima, mogu da završe studij prije utvrđenog roka, na način utvrđen Pravilnikom o dodiplomskom, magistarskom i doktorskom studiju.“

Obrazloženje: Predloženom izmjenom člana 254. vrši se upućivanje na odredbe Pravilnika o dodiplomskom, magistarskom i doktorskom studiju.

Član 96.

(Izmjena člana 255.)

U članu 255. (Studenti koji postižu izvanredne rezultate) u stavu (1) dio teksta koji glasi: „te ovim Statutom,“ briše se.

Obrazloženje: Predloženom izmjenom vrši se stilsko uređenje teksta.

Član 97.

(Izmjena člana 256.)

U članu 256. (Redovni studenti i naučnoistraživački rad) dio teksta koji glasi: „putem različitih oblika, kao što su:“ zamjenjuje se tekstom koji glasi: „, na sljedeće načine:“.

Obrazloženje: Predloženom izmjenom vrši se stilsko uređenje teksta.

Član 98.

(Izmjena člana 258.)

U članu 258. (Prava studenta) stav (3) koji glasi: „Način ostvarivanja prava studenata bliže se uređuje statutom.“ briše se.

Obrazloženje: Predloženom izmjenom vrši se ispravka tehničke greške.

Član 99.

(Izmjena i dopuna člana 261.)

U članu 261. (Student demonstrator) dodaje se novi stav (1) koji glasi: „Student demonstrator pomaže nastavniku i saradniku u izvođenju vježbi, prema uputama i pod kontrolom predmetnog nastavnika.“, dosadašnji stavovi (1) i (2) postaju stavovi (2) i (3), a dosadašnji stav (3) koji glasi: „Studentu demonstratoru pripada naknada za izvođenje nastave što će biti definisano drugim aktima.“ briše se.

Obrazloženje: Predloženom izmjenom i dopunom vrši se preciziranje studenta demonstratora.

Član 100.

(Izmjene brojne oznake člana 271.)

Brojna oznaka člana 271. (Odluka o naknadi štete) zamjenjuje se brojnom oznakom 269.

Obrazloženje: Predloženom izmjenom vrši se ispravka tehničke greške

Član 101.

(Izmjene člana 280.)

(1) U članu 280. (Naučno-nastavna i umjetničko-nastavna zvanja) (3) koji glasi: „Nastavnička zvanja su redovni profesor, vanredni profesor, docent i lektor, a viši asistent i asistent su saradnička zvanja.“ postaje stavovi (3) i (4) koji glase:

„(3)Nastavnička zvanja su *redovni profesor, vanredni profesor, docent i lektor.*

(4) Saradnička zvanja su *viši asistent i asistent.*“.

(2) U istom članu stav (4) koji glasi: „Akademsko osoblje ne može imati istovremeno izbor u dva ili više različitih naučno-nastavnih zvanja.“ postaje stav (5), mijenja se i glasi: „Akademsko osoblje ne može imati istovremeno izbor u dva ili više naučno-nastavnih zvanja iz različitih naučnih oblasti.“.

Obrazloženje: Predloženim izmjenama vrši se preciziranje nastavničkih i saradničkih zvanja.

Član 102.

(Dopuna člana 281.)

U članu 281. (Uslovi za izbor nastavnika u naučno-nastavna zvanja) u stavu (3) iza tačke b) dodaje se nova tačka c) koja glasi: „pokazane nastavničke sposobnosti.“.

Obrazloženje: Predloženom dopunom vrši se usklađivanje sa odredbom člana 83. tačka c) Zakona o visokom obrazovanju.

Član 103.

(Izmjene člana 282.)

(1) U članu 282. (Uslovi za izbor saradnika u naučno-nastavno zvanje višeg asistenta i asistenta) stav (2) koji glasi: „U slučaju izbora više kandidata odgovarajuća katedra daje prijedlog za angažman u nastavi jednog ili više od izabranih kandidata i to po osnovu ugovora o djelu ili ugovora o radu na određeno vrijeme (izborni period).“ briše se, a dosadašnji stavovi (3) i (4) postaju stavovi (2) i (3).

(2) U istom članu stav (4), odnosno stav (3) koji glasi: Osim uslova, utvrđenih stavovima (1), (2) i (3) ovog člana uslov za izbor saradnika na kliničke nastavne predmete, odnosno uže naučne oblasti na studijskom programu opća medicina, jeste i stručni stepen specijaliste iz odgovarajuće oblasti medicine.“ mijenja se i glasi: „ Za saradnika na kliničkim nastavnim predmetima, na studijskom programu opća medicina, može biti izabrana samo osoba koja ima odgovarajući stručni stepen specijaliste iz oblasti medicine ili specijalizant koji je upisao treći ciklus.“

Obrazloženje: Predloženim izmjenama vrši se usklađivanje teksta i preciziranje uslova izbora na Medicinskom fakultetu.

Član 104. (Izmjena člana 289.)

Član 289. (Postupak za izbor) koji glasi:

„(1) Nastavnik ne može biti biran u više naučno-nastavno, odnosno umjetničko-nastavno, zvanje

prije isteka roka iz člana 287. ovog Statuta.

(2) Viši asistent može biti biran u više naučno-nastavno, odnosno umjetničko-nastavno, zvanje, sticanjem naučnog stepena doktora nauka i ostalih uslova, predviđenih članovima 281. i 283. ovog

Statuta.

(3) Asistent može biti biran u više saradničko zvanje, sticanjem naučnog stepena magistra i ostalih

uslova, predviđenih članovima 282. i 283. ovog Statuta.

(4) Nastavnik Univerziteta koji je ponovo izabran u isto naučno-nastavno, odnosno umjetničko-nastavno, zvanje (reizbor), a koji naknadno ispuni uslove za izbor u više zvanje, može pokrenuti

postupak za izbor i biti izabran u više zvanje i prije isteka roka iz člana 287. ovoga Statuta, pri

čemu mu se uzimaju u obzir i ispunjeni uslovi od posljednjeg izbora.

(5) Prijedlog za pokretanje postupka za izbor u više zvanje podnosi NNV/UNV fakulteta/akademije

na zahtjev matične katedre na osnovu pisanog zahtjeva nastavnika ili saradnika.“

mijenja se i glasi:

„(1) Nastavnik odnosno saradnik ne može biti biran u više naučno-nastavno, odnosno umjetničko-nastavno, zvanje prije isteka roka iz člana 287. ovog Statuta.

(2) Nastavnik Univerziteta koji je ponovo izabran u isto naučno-nastavno, odnosno umjetničko-nastavno, zvanje (reizbor), a koji naknadno ispuni uslove za izbor u više zvanje, može pokrenuti postupak za izbor i biti izabran u više zvanje i prije isteka roka iz člana 287. ovoga Statuta, pri čemu mu se uzimaju u obzir i ispunjeni uslovi od posljednjeg izbora.

(3) Prijedlog za pokretanje postupka za izbor u više zvanje podnosi NNV/UNV fakulteta/akademije na inicijativu matične katedre na osnovu pisanog zahtjeva nastavnika ili saradnika.“

Obrazloženje: Predloženom izmjenom vrši se preciziranje postupka za izbor.

Član 105. (Izmjena člana 291.)

U članu 291. (Pokretanje postupka za izbor) stav (3) koji glasi: „Postupak izbora novih nastavnika i saradnika pokreće se najkasnije u februaru za zimski semestar i u septembru za ljetnji semestar, u skladu s Pravilnikom za izbor i napredovanje nastavnika i saradnika, kako bi se postupak okončao do početka zimskog i ljetnog semestra.“ mijenja se i glasi: „Postupak izbora novih nastavnika i saradnika pokreće se u skladu s postojanjem potrebe fakulteta iskazane odlukom NNV-a fakulteta, na inicijativu matične katedre i prijedloga odluke NNV-a o raspisivanju konkursa za izbor.“.

Obrazloženje: Predloženom izmjenom vrši se preciziranje pokretanje postupka izbora.

Član 106.

(Izmjena člana 294.)

Član 294. (Napredovanje nastavnika i saradnika) koji glasi: „Na osnovu dostavljenog prijedloga NNV/UNV Senat raspisuje interni konkurs za izbor u više zvanje ili reizbor nastavnika i saradnika zaposlenih na Univerzitetu, koji se objavljuje na oglasnoj ploči Univerziteta i fakulteta i web-stranici Univerziteta, o čemu se pisano obavještava nastavnik, odnosno saradnik.“ mijenja se i glasi: „Na osnovu zahtjeva nastavnika ili saradnika, putem inicijative matične katedre i prijedloga NNV/UNV, Senat raspisuje javni konkurs za izbor koji se objavljuje u jednom dnevnom listu i na web stranici Univerziteta.“.

Obrazloženje: Predloženom izmjenom vrši se usklađivanje sa članom 79. Zakona o visokom obrazovanju ZDK.

Član 107.

(Izmjena naziva i dopune člana 302.)

- (1) Naziv člana 302. (Odgovornost sekretara za provođenje postupka za pripremanje prijedloga za izbor) mijenja se i glasi: „Odgovornost za provođenje postupka za pripremanje prijedloga za izbor“.
- (2) U istom članu stav (1) koji glasi: „Sekretar fakulteta i šefovi katedri odgovorni su da se postupak za pripremanje prijedloga za izbor u zvanje nastavnika, odnosno saradnika, provede u rokovima utvrđenim ovim Statutom.“ mijenja se i glasi: „Sekretar fakulteta, šefovi katedri i članovi komisije odgovorni su da se postupak za pripremanje prijedloga za izbor u zvanje nastavnika, odnosno saradnika, provede u rokovima utvrđenim ovim Statutom.“
- (3) U istom članu stav (3) koji glasi: „Ukoliko se započeti postupak ne okonča u roku navedenom u stavu (2) ovog člana, dekan može pokrenuti postupak za utvrđivanje odgovornosti predsjednika i članova komisije.“ Mijenja se i glasi: „Ukoliko se započeti postupak ne okonča u roku navedenom u stavu (2) ovog člana, dekan može pokrenuti postupak za utvrđivanje odgovornosti predsjednika, članova komisije i šefa katedre.“.

Obrazloženje: Predloženom izmjenom i dopunama vrši se preciziranje odgovornosti u postupcima izbora.

Član 108.

(Dopuna člana 307.)

U članu 307. (Prava i obaveze saradnika) iza tačke g) dodaje se nova tačka h) koja glasi: „obavljaju i druge poslove po nalogu dekana i prodekana.“

Obrazloženje: Predloženom dopunom vrši se preciziranje teksta.

Član 109.

(Izmjena člana 308.)

U članu 308. (Angažovanje lica iz naučnoistraživačkog, privrednog i drugog okruženja) stav (3) koji glasi: „Angažovana lica, iz prethodnog stava, koja nemaju izbor u nastavničko, odnosno saradničko zvanje, mogu se angažovati u nastavi maksimalno na 50% utvrđene nastavne norme nastavnog predmeta na koji su angažovani, a za medicinski fakultet 80%.“ mijenja se i glasi: „Stručnjaci iz prakse mogu se angažovati u nastavi maksimalno na 50% utvrđene nastavne norme nastavnog predmeta na koji su angažovani, a za medicinski fakultet 80 %.“

Obrazloženje: Predloženom izmjenom vvrši se tehničko uređenje teksta.

Član 110.

(Izmjena naziva i člana 309.)

Naziv i član 309. (Professor emeritus) koji glasi:

„(1) Univerzitet može svom penzionisanom redovnom profesoru dodijeliti zvanje professor emeritus.

(2) Professor emeritus može učestvovati u izvođenju nastave drugog i trećeg ciklusa studija, biti član komisije u postupcima izbora nastavnika i u postupcima sticanja naučnog stepena magistra, odnosno doktora nauka, te biti mentorom kandidatima za sticanje naučnog stepena magistra ili doktora nauka. (3) Professor emeritus ima pravo učestvovati u naučnoistraživačkom radu na Univerzitetu.

mijenja se i glasi:

„Član 309.

(Professor emeritus i član Akademije nauka i umjetnosti BiH)

(1) *Professor emeritus* i član Akademije nauka i umjetnosti BiH može učestvovati u izvođenju nastave drugog i trećeg ciklusa studija, biti član komisije u postupcima izbora nastavnika i u postupcima sticanja naučnog stepena magistra, odnosno doktora nauka, te biti mentorom kandidatima za sticanje naučnog stepena magistra ili doktora nauka.

(2) *Professor emeritus* i član Akademije nauka i umjetnosti BiH ima pravo učestvovati u naučnoistraživačkom radu na Univerzitetu.

Obrazloženje: Predloženom izmjenom vrši se usklađivanje sa odredbom člana 119. Zakona o visokom obrazovanju ZDK.

Član 111.

(Dopuna člana 310.)

U članu 310. (Uslovi za dodjelu počasnog zvanja professor emeritus) dodaje se novi stav (1) koji glasi: „Univerzitet može svom penzionisanom redovnom profesoru dodijeliti zvanje professor emeritus.“, a dosadašnji stav (1) postaje stav (2).

Obrazloženje: Predloženom dopunom vrši se preciziranje uslova za dodjelu zvanja.

Član 112.

(Izmjene člana 311.)

(1) U članu 311. (Postupak za dodjelu počasnog zvanja professor emeritus) stav (1) koji glasi: „Najmanje 2 (dva) NNV/UNV fakulteta/akademije, uz prethodnu saglasnost rektora, pokreću postupak dodjele zvanja professor emeritus dostavljanjem obrazloženog prijedloga Senatu Univerziteta.“ mijenja se i glasi: „Na prijedlog dekana, najmanje 2 (dva) NNV/UNV fakulteta/akademije, uz prethodnu saglasnost rektora, pokreću postupak dodjele zvanja professor emeritus dostavljanjem obrazloženog prijedloga Senatu Univerziteta.“.

(2) U istom članu stavovi (5) i (6) postaju stavovi (4) i (5).

Obrazloženje: Predloženim izmjenama vrši se preciziranje i ispravka tehničke greške.

Član 113.

(Izmjene i dopune naziva i člana 313.)

(1) Naziv člana 313. (Angažman professaora emeritusa) mijenja se i glasi: „Angažman professaora emeritusa i člana Akademije nauka i umjetnosti BiH“.

(2) U istom članu u stavovima (1) i (2) iza riječi „Professor emeritus“ dodaju se riječi koje glase: „i član Akademije nauka i umjetnosti BiH“.

Obrazloženje: Predloženim izmjenama i dopunama vrši se omogućavanje angažmana člana Akademije nauka i umjetnosti BiH u realizaciji nastave.

Član 114.

(Izmjena člana 317.)

U članu 317. (Dodatno radno angažovanje) stav (4) koji glasi: „Postupak davanja prethodnog odobrenja na angažovanje iz stava (1) ovog člana, uslovjava se zaključenim protokolom o međusobnoj saradnji između Univerziteta i drugih visokoškolskih ustanova ili drugih pravnih lica.“ briše se.

Obrazloženje: Predloženom izmjenom vrši se usklađivanje sa odredbama člana 89. Zakona o visokom obrazovanju ZDK.

Član 115.

(Izmjene člana 321.)

U članu 321. (Obavljanje javne dužnosti) u stavu (4) dio teksta koji glasi: „Upravnog odbora“ zamjenjuje se riječju „Osnivača“.

Obrazloženje: Predloženom izmjenom vrši se usklađivanje sa propisima ZDK.

Član 116.

(Dopuna novim članom 321.a)

Iza člana 321. (Obavljanje javne dužnosti) dodaje se novi član 321.a (Napredovanje nenastavnog osoblja) koji glasi:

„Član 321.a

(Napredovanje nenastavnog osoblja)

- (1) Nenastavno osoblje (radnici za obavaljanje drugih poslova osnovne djelatnosti visoko školske ustanove, administrativnih, tehničkih, pomoćno tehničkih i pomoćnih poslova) može putem internog oglasa napredovati na neposredno više radno mjesto ili platni razred u okviru iste stručne spreme pod uslovima i na način utvrđen opštim aktima visokoškolske ustanove.
- (2) Napredovanje iz prethodnog stava se vrši putem internog oglasa.
- (3) Napredovanje nenastavnog osoblja se može omogućiti u slučaju da je radno mjesto upražnjeno i kada postoji mogućnost da se isto popuni od strane radnika koji se nalazi u radnom odnosu na Univerzitetu.
- (4) Inicijativu za napredovanje nenastavnog osoblja pokreće rektor ili rukovodilac organizacione jedinice, a rektor donosi odluku o raspisivanju internog oglasa.
- (5) Interni oglas se objavljuje na službenoj interenet stranici Univerziteta i na oglasnoj tabli.
- (6) Rektor Univerziteta imenuje komisiju iz reda uposlenika Univerziteta za provođenje internog oglasa te pripremu prijedloga za zasnivanje radnog odnosa.
- (7) Na prijedlog Komisije konačnu odluku o napredovanju donosi rektor.“

Obrazloženje: Predloženom dopunom vrši se usklađivanje sa odredbom člana 88. stav (2) Zakona o visokom obrazovanju ZDK.

Član 117.

(Izmjene članova 325., 326. i 327.)

U članu 325. (Uslovi za izbor naučnika u naučna zvanja) u stavu (2), u članu 326. (Uslovi za izbor istraživača u istraživačka zvanja) u stavu (2) i u članu 327. (Izbor u naučna i istraživačka zvanja) dio teksta iza riječi „Pravilnikom“ koji glasi: „o postupku i uslovima izbora naučnika i istraživača na Univerzitetu u Zenici.“ zamjenjuje se dijelom teksta koji glasi: „o naučnim i istraživačkim zvanjima Univerziteta u Zenici.“

Obrazloženje: Predloženim izmjenama vrši se usklađivanje naziva pravilnika.

Član 118.

(Dopuna člana 352.)

U članu 352. (Jezik javne isprave) u stavu (5) koji glasi: „Diplome svih nivoa studija uručuju se na promociji, koja se, u pravilu, organizuje na Dan Univerziteta.“ interpunkcijski znak tačka zamjenjuje se interpunkcijskim znakom zarez i dodaje dio teksta koji glasi: „a izuzetno i prije vremena na lični zahtjev studenta.“.

Obrazloženje: Predloženom dopunom vrši se preciziranje načina dodjele diploma.

Član 119.

(Izmjena člana 366.)

U članu 366. (Web-stranica Univerziteta) stav (1) koji glasi: „Univerzitet ima web-stranicu koja se nalazi na web-adresi: <https://unze.ba.>“ mijenja se i glasi: „Univerzitet ima web-stranicu na domeni unze.ba.“.

Obrazloženje: Predloženom izmjenom vrši se tehničko uređenje teksta.

Član 120.

(Izmjena člana 372.)

U članu 372. (Vlastiti prihodi) dio teksta koji glasi: „kao takvi,“ briše se.

Obrazloženje: Predloženom izmjenom vrši se stilsko uređenje teksta.

Član 121.

(Izmjena člana 374.)

U članu 374. (Pravo na završetak studija) stav (3) koji glasi: „Lice koje je započelo postupak za sticanje naučnog stepena magistra ili doktora nauka prema predbolonjskom sistemu studija ima pravo dovršiti započeti studij i steći naučni stepen magistra ili doktora nauka najkasnije do 31. 12. 2022. godine.“ briše se.

Obrazloženje: Predloženom izmjenom briše se nepotrebni dio teksta.

Zamjenik

Predsjedavajuće Senata

Broj: 01-02-5-1786/23.

Zenica, 04.05.2023. godine

Prof.dr.sc. Muharem Adilović